



建甯張際亮亨甫著

公邑孔慶衢寄吾校刊

車中見西山口號

試馬春城晚更涼。百年空剩鬢絲長。西山不改青蒼色。却爲人間送夕陽。

次韵潤臣夜坐見寄

不知春已半。寒氣入宵深。獨坐見微月。疎風聞靜林。悠然懷舊意。何處古人心。試發蒹葭詠。翻如秋水潏。

送史梅裳太令

張亨甫全集

卷二十四

一

我本閩中人。能識閩中事。君向閩人問。土風爲君慷慨。先形勢。仙霞雄秀接漁梁。直下三山似建康。射鱖釣龍。紛紛搃更騎。白馬起王郎。英雄已往何堪弔。武夷君倚雲中笑。誰乘九鯉逐琴高。試訪容成有仙嶠。或言閩山奇。不如閩灘險。舟穿萬石石蔽天。干篙一隙相摩閃。有灘名黯澹。偶然見日日如壓。又有二龍守劍津。風雨噴波倒巖廣。古來過者心膽驚。豈知安流行冉冉。山川信偉天下無。哀歌恨無李杜兼韓蘇。粵蜀吳楚亦邊徼。四公奔走窮崎嶇。手濡大筆何磊落。能使草木光奧區。今之言者毋乃誣。不聞丹崖翠壑寄清嘯。但聞太息地苦

民悍愚。閩地瞻天五千里。閩民忠厚戴。

天子借問閩官吏。幾卹民生死。官貪民乃鬪。民鬪官乃喜。括戶比搜牢。盜賊任竊起。且如赤嵌稱沃臯。因何昔

使

王師勞。且如今日姚

廉訪坐前令臺
灣龍溪平和

勝

刺史曹大令父
子玉

老感嘆。惜所遭。斯民好直自天性。可憐海水徒滔滔。願君此去踏六鰲。毋爲鯨鱷驅長濤。君才況自足千古。政成好與歌風騷。君不見前忠惠。後清恪。如此作官差不惡。君不見幔亭峯。玉華洞。仙竈米可餐。仙田禾可穗。循良未必皆貧困。煙霞百態奇爭獻。看到無諸土一坏。應張亨甫全集卷二十四

吟富貴非吾願。久爲閩中人。不忘閩中怨。行矣春風載去鞍。我歸庶飽家園飯。

富陽董文恪公畫次四農韻題

玉泉何似富春山。應愛園林一味閒。兩世金華歸未得。祇今花石自人閒。

花朝集宥函比部宅以我能拔汝抑塞磊落之奇才分韻得才字

東南米賤客仍瘦。西北春寒花未開。四海飄零猶縱酒。千秋俯仰莫論才。茫茫落日渾河去。莽莽重山碣石迴。尙有平生長劍在。爲君談笑薄金臺。

○去年十月望夜。余在都下西山隱寂寺。得福建鄉試錄。時樹齋侍御子序明經。於是日來視余。留宿山中。相與嘆息。今年閏九月望夜。余復以落解出都。宿泰安。得福建鄉試錄。時子序亦落解出。居保定。而余與侍御相隔千餘里矣。慨然口號。

寄二君。

東嶽當頭見明月。西山迴眼卽前塵。十年放逐如殘夢。四海升沉感故人。可有豹皮留不死。更無龍性鬱能馴。平生知己仙屏客。差似當年賀季真。

張亨甫全集

卷廿四

三

曉渡汶水回望泰山有作

天門一輪月。送我獨宵征。升高見千里。冉冉落日明。驚風捲亂草。飄轉如行客。沙塵雜人煙。霜林閒蒼赤。際天孤鳥外。停雲黯無極。下山復涉水。水深馬沒脊。宵征或失道。晝飢不得食。三日至牟流。僮僕顏面黑。岱宗何巖巖。不聞人嘆息。可憐流離子。抱兒泣路側。我馬飽芻豆。人兒半黃瘠。生命不如物。茲理誰能測。却憶牟叔子。荆襄有遺澤。墮淚峴山亭。志士當努力。窮愁恤一身。豈忘活邦國。竊媿細人意。咨嗟困行役。

巉 蒼崖。知爾始何年。上有樵采路。牛羊亦往還。白日
天無風。松柏高空山。孤雲過飛鳥。樵者在其間。落葉可
爲薪。負之下層巒。悵然欲有問。已去不復言。

一鳥在何處。交交中晝鳴。一鳥過眼前。飛去亦有聲。起
行聽二鳥。忽聞松風清。有如爍月夜。獨泊江潮生。此松
幾歲年。二鳥復何名。古時山中人。聞此豈忘情。蕭蕭薜
荔深。古路無人行。

遠山一何蒼。蒼蒼當階基。白羊一何多。牛馬羣相隨。朔
方晉以還。人民亦已稀。家富數牧畜。此俗豈古遺。隆冬
風雪寒。炙羊當路歧。下馬土牀坐。酒厚羊復肥。飲酒竭
泉刀。不顧骨肉飢。世遠不復問。屋外冢纍纍。冢邊鷄犬
臥。冢上烏雅飛。有樹伐爲薪。樹盡冢亦夷。古時多豪傑。
慷慨欲何之。借問朔方人。風俗何由衰。

平原曠千里。浩浩悲風過。頽陽翳聚落。時見三五家。十
步絕青草。四顧紛黃沙。嚴冬氣肅殺。憂來徒咨嗟。念此
廣土闢。藝植宜桑麻。古者測水利。雨暘因其和。後世任
天功。旱潦失則瘡。九耕不餘一。民命懸頃俄。此都東際
海。西南距長河。太行天下脊。其泉揚洪波。驅馬適郊野。
大地分高窪。豈無蓄洩便。未有禁戒苛。溝洫竭禹力。耕
鑿安堯歌。迢迢太白星。照我祁連戈。湯湯淮黃溢。鹽竈

飢民病似釋子瘦。造化要勵官宰賢。大士化身卽千億。眾生難度慈航便。固應定入不死樹。且任瞻如妙相蓮。章江三月波灌田。臨川五月苗如煙。直愁秋來飯不足。管窺何暇論雕鐫。君不聞浮生各渺滄海粟。芥子可納須彌山。色空空色無身意。飲水宜齋繡佛間。

○南昌舟行泝臨川雜述

舟行三日兩風雨。野望千家半水雲。漠漠青山時向客。悠悠白鳥若爲羣。倦游歲月憐衰病。曠代人才願見聞。死去安知餘朽骨。朝來新漲沒荒墳。

張亨甫全集

卷五

五

瀟泝江流走濁波。微茫煙火出喬柯。石潭雨霽魚曾集。沙路人稀燕語過。永憶春歸何有月。畏逢夏潦更無禾。飄飄短棹乾坤遠。辛苦蒼生道路多。

衙齋荒晏絕雞鳴。飲食喧呶徹旦聲。野雨洗塵初謝扇。邨禽喚舞抵談兵。河關北望風雲滿。江海南浮日夜驚。逐物情誰道廣樂貧。從此得身輕。

有客今來比放翁。少年自喜薄終童。未能馬革埋邊外。且愛牛鳴似甕中。邨漲溼煙低沒屋。雨晴芳樹秀含風。西山爽氣行看近。內史高唸許復同。

○忠宣墓

忠宣祠墓俯滄波。憑弔孤臣似汨羅。

昨冒雨雪登大觀亭

天下江

山半游迹。醉時風雪獨高歌。蒼寒大野飛蓬遠。青峭羣峯照玉多。留滯不忘今古事。對觀雄劍一摩挲。

○過樅陽弔劉海峯先生

漢武樓船江水東。射蛟壯氣浩橫空。高臺屹立人何在。豪士重來筆亦雄。已許鯨魚掣碧海。可憐龍虎失雲風。蒼山老屋靈煙雪。萬古銷沈貴賤同。

望九華山

李白何年復放舟。長風不斷大江流。九峯秀作青蓮色。天外安知太華秋。

張亨甫全集

卷廿

六

江行絕句

十六年前二十時。朔風送酒復催詩。今來才思因何減。惆悵江空鳥去遲。

沙雁啼風更水鴉。蕭蕭千點到天涯。生憎楊柳無情思。嫩葉斜陽偏酒家。

雪後千峯透更明。中流忽黯暮天平。江山雲靄初爭夕。一片空寒畫不成。

橫笛誰吹倚舵樓。天青江碧數帆秋。無端却怨關山月。那得征人不白頭。

爲宥函題畫三首走筆與四農海秋同作

秋意渺在空。泉聲如欲返。夕陽四無人。木落孤亭遠。蕭條碧山阿。想見女蘿晚。

文嘉山水

何處猶存菰米肥。千年關塞盡斜暉。江南歌舞前朝月。

誰見哀鴻作隊飛。

林雪蘆花夜雁圖

兩兒對奕一兒觀。此局誰輸感百端。從古人閒紛黑白。

祇應劔手付空盤。

蕭晨畫

潤臣疊前澣字韻詩見寄復次韻酬之

春城如此曠。夜思爲誰澣。一聽疎鐘動。風高月在林。孤雲將遠色。宿鳥得歸心。覺盡空舟夢。何當話碧潯。

張亨甫全集

卷二十四

七

蘭岑至都相見有作

見汝哀吾倦。論心與力違。卽教京洛醉。何似海天歸。獨覺親增老。俱看友漸稀。

蘭岑失慈雨無異余失雲麓也

春風猶解事。下

馬拂塵衣。

枕上聞鐘

二月十二夜

不知何寺近。但覺此宵長。半世餘孤枕。空山負故鄉。招魂親舊散。乞食鬼神妨。欲起從誰話。殘燈影墮床。

○長歌贈陳弼夫駕部

與君相懽餘十載。京華故舊幾人在。醉後常同慷慨歌。莫嗟萬事浮雲改。憶昔君家尙書公。在官雅與何武同。

獨知宏獎天下士。開閣每有前賢風。是時我來滄海東。

高譚痛飲意氣雄。故鄉老輩許

萊山光祿與鄭雲麓

與公往

往惜我窮。我因兄病去京國。一年三度馳南北。短壺含

沙巧射人。謠詠誰知緣酒食。無端愛惡反覆間。富貴能

使白爲黑。許公鄭公共太息。公出片言謂我直。此後與

君始認識。長記秋風報罷時。君來破寺爲我悲。人生得

意衆所趨。人生失意親所唾。感君媿君何有辭。忘身急

友義視茲。明年我去天之涯。兩年再來公欲歸。公歸不

歸君素衣。丹旒慟哭在路歧。寄書慰君亦隕涕。何以報

公貧且卑。卑棲中原更五嶺。三山復見如俄頃。是時許

張亨甫全集

卷十四

八

公已騎箕。鄭公猶喜封圻領。嗚呼鄭公今亦亡。長安對

君每悲硬。尙書在日君如玉。四姓小侯接車轂。鄉里兒

童望塵拜。華筵送酒爭相逐。今來退直賓客稀。自愛掩關

種修竹。看君前後有如此。使我蒼涼嘆華屋。春風吹水

花又開。盧溝柳絮何徘徊。化爲浮萍無根莖。千里萬里

去不回。西望太行高崔嵬。東望薊邱鬱黃埃。何當走馬

尋金臺。與君一笑傾百杯。海棠郭外飛紅雨。見我當年

坐綠苔。海人悠悠安在哉。爲君話鄭復憶李。

蘭屏比部雲麓都轉

戊子春皆同觀海棠於三官堂

崇敬花時愴何已。送我臨行剩畫圖。約

我重來隔生死。視我真爲一代人。嗚呼此意亦誰比。天

涯海角痛招魂。古誼相逢宜更敦。韋平繼世尋常事。不
朽何如忠孝存。昨夜雲中聽歸雁。我兄君弟來何晏。四
海無如骨肉權。一身久凜弓矰患。腰懸長劍對摩挲。時
俗紛紛將奈何。嘆逝更添思舊賦。關河滿目夕陽多。

作書寄石甫廉訪慨然綴一詩於後

姚侯去我滄溟遠。燕市荒荒幾酒徒。若上赤嵌看落日。
青天萬里片帆孤。

題慶伯蒼霖比部詩

世遠元音渺。才高見古人。極天盤隼鷲。行地出麒麟。悟
到秋無遊。悲來月有神。因君惜騷雅。尊酒合相親。

張亨甫全集

卷二十四

九

伊猗君滄孝廉出示近詩且屬爲題詞因作

長安三月暮。楊柳作花飛。往日少年子。飄飄何處歸。憐
君守窮巷。身世澹斜暉。隣里同高詠。相將興不違。
謂秋士子

文子靈

節烈吳雅氏母烏札庫氏夫人詩浙江臨海令秀山之孺人六

死百日縊於柩側旣獲旌於朝而家人爲徵詩焉

歡愛衆所戀。事過意每移。名義世所貴。力窮志亦墮。我
讀谷風篇。宛轉朋友悲。可憐李都尉。淚盡降胡時。與人
同死生。此意那敢期。忠信矢天日。棄捐成路歧。萬事古
已然。帷房情可知。嗟哉投繯烈。乃足羞男兒。弱息豈不

駿

顧翁在孫有依。冉冉泉魂下。雙雙天際歸。頗聞金庭間。昔做玉女扉。道逢采菫子。招邀共遨嬉。一朝兩謝別。未肯塵世隨。仙人且如此。使我長涕洟。

次韻酬繡山題松寥館詩

神知長路風雲萬里開。方當飲瑤水。不數市金臺。名大仍敦節。時艱始見才。鴛鴦竟何事。辛苦逐塵來。

寄蘇鰲石方伯

不見方伯七年矣。比日忽枉手書拳拳可感。賦此奉寄。

明公出入郎曹日。賤子縱橫俠少場。重報旌麾朝

帝里。土辰春方伯以山東臬使入覲。偕鄉人祖道于龍瓜槐乙未冬由四川入覲。則余方在江南道上也。

獨憐劍佩走他鄉。青天西上王尊勇。滄海南游太史狂。聞

張亨甫全集

卷二十四

十

道兩川清戰伐。可能一棹話星霜。

書扇贈恒猷同年

青眼吾憐高逵夫。長安醉倒酒家壚。門前一樹花如雪。月曉風殘相憶無。

楊柳垂垂長短亭。東風吹絮半飄零。倩他繫住青驄馬。肯放殘春一日醒。

酒病詩狂百不宜。祇應燒燭照花枝。床前恰恰啼鶯喚。似喚今朝起太遲。

南雅先生畫蘭為潤臣題

國香誰采委空山。泣露披煙亦等閒。猶有楚騷千載淚。

暗風吹上竹斑斑。

題屈翁山茅山訪道圖

地老天荒失故山。更從何處訪仙關。人生最樂無如死。那用真騎白鶴還。

長歌贈蘭岑

通父勸汝一杯酒。人生誰能千萬壽。短衣長劍欲何向。四海茫茫視馬首。西招鸞鶴崑崙邱。可憐王母今白頭。繆王八駿骨亦朽。但有瑤水吞天流。小兒東方朔。蟠桃乃可偷。咄哉東王公。欲問青鳥何悠悠。蓬萊方丈亦塵土。萬樹瓊花落如雨。怪風吹折扶桑枝。淚盡鮫人不得

張亨甫全集

卷二十四

七

語。嗟吾與汝竟何爲。汝年方壯吾欲衰。莫將蒼茫萬古意。但與朝夕痛飲傾金卮。無田亦可歸。無田不歸誰可依。曰歸曰歸楊柳垂。飄飄飛雪同天涯。天涯亦鄉國。誰能苦嘆息。不見路旁兒。歲豐猶菜色。不聞閨中婦。蓬首廢蠶織。諸公裘袞登臺省。江湖我去孤舟冷。江湖莫聽哀鴻啼。烏鵲南飛亦悲哽。明明天上月。夜夜圓或缺。滔滔人間世。獨醒不如醉。汝家門對黃河水。千世悠悠只如此。頗聞沙高水逆行。安能手挽河南徙。通父通父汝聞我言且莫哀。河邊白骨成蒿萊。去年我渡黃河來。今年汝渡黃河回。回頭一片西山色。不見黃金舊廢臺。瀟

湘折斑竹羅浮攀素梅蒼梧叫舜舜已遠縞袂仙人安
在哉嗟吾與汝歸去毋遲徊

雄縣

鬱矣重邊氣悲哉百戰塵啼鴉易京樹走馬范陽人戀
闕心方永還鄉夢未真誰能爲陳迹憑弔復沾巾

至莫州卽與四兄別時鄉人有同作客者

半歲覺久別一宵難暫留江湖更何樂身世已俱浮看
面勞同里傷心數獨游中林兩飢鳥夜起亦分投

南劉智廟題壁

三絃四絃聲可憐一杯兩杯愁不眠明朝便是分襟地

張亨甫全集

卷二十四

三

馬首無風沙接天

道上贈蔡香祖孝廉

蔡嘗渡澎湖遇風飄至南安

海客輕溟渤安知墮越裳風潮走靈怪天地變倉皇
望餘今日生還出大荒真堪著書臥不必問行藏

洪流環絕島太古浩無人士始登林蘊

澎湖自君始舉乙科

民今

附寇恂

謂臺澎觀察姚石甫丈

土風陋銅柱海日散珠塵莫憶長

安陌飄飄飛絮春

次韵別四農兄

醉眼常千古閒心半九州迢迢江海月同作薊門愁一
別飛天鏡關山各素秋毋將淮上淚遙洒笛邊樓

襄漢稀耆舊。何人慰遠離。預愁對杯酒。且莫負箏絲。世任蕭曹法。天窮李杜詩。齊城聽班馬。不似國門時。

○次韻贈別稼軒

吳郎跌宕仍瀟直。溫嶠何慙第一流。老去長思礪山隱。春殘同謝薊門游。塵埃匹馬低看劍。江海孤鴻遠送秋。河水東南二千里。君歸應爲我回頭。

過東昌感懷丙戌春與伯兄同行泣然口號

十三年再過東郡。腸斷春殘雁不飛。猶有高樓憑嶽色。白雲南望一沾衣。

旣別四農蘭岑是夜宿東昌之沙鎮慨然賦此寄

張亨甫全集

卷二十四

三

之

蕭蕭野多風。漠漠天多塵。皎皎四五星。照此獨宿人。獨宿亦永久。茲宵傷我神。齊謳不復聽。聽酒難重陳。可憐昨宵淚。滴向他鄉地。君旣渡淮歸。我亦渡河逝。此淚入土中。安知千萬歲。舉目不見君。倏忽君來至。雙雙簷間鵲。一鳴三徘徊。燕燕高下飛。銜泥夕未回。瀉水作東海。注之君胸懷。懷抱一寸心。宛轉爲我哀。哀我髻將白。勞勞猶未息。我生亦有極。天命安可測。何以答君意。敬戒慎酒食。何以見我情。皎月秋空色。我行過聊城。念君東阿行。君行到山陽。惜我游武昌。死者不可作。生存散飛

暮。結交四海英。已矣傷哀樂。

○蘭陽渡河是丙戌春與伯兄阻風處。茫然口號。
黃流泱泱仍千里。白日飛騰更十年。死去可能悲歲月。
飢來長使走山川。驚沙依舊風橫野。廢郭經春樹帶天。
河伯安知惆悵極。征驂獨上夕陽船。

○襄城篇

襄城城上初出月。襄城城南客愁絕。客愁如水夜不流。
美人爲我揚清謳。清謳屢斷繁絃續。笑賭金甌映紅玉。
玉顏花顫月滿床。夢覺酒醒怨銀燭。君不見燭邊之人
喚采雲。碧桃留影驕青春。自言十五始見客。及今四載
張亨甫全集

卷二十四

十四

淪風塵。未知此骨葬何地。敢望婢妾蒙門人。君不見四方
士。半聞松寥。十年京洛名滿朝。少思濟世壯不第。海
鶴一去隨風颿。未知別汝見何日。敢望七貴聯金貂。襄
城之水何迢迢。水行直到東海遙。水能西流我應返。五
湖載汝隨蘭橈。平生蒼茫萬古淚。仰天欲灑仍無地。猶
有嬌歌艷舞絕代姿。風塵處處留人醉。螺女江。江何長。
江樓宛轉江燕雙。舊人死去新人老。兩鬢垂垂一雪娘。
蘇州雨。吳姬擲笛奈何許。前年泛荷花。山塘卽南浦。去
年人不見。別有雙眉嫵。含顰含笑不得語。對坐情淡亦
如汝。此是年時惆悵處。此外王郎婀娜輕於絮。一醉長

安酒十千。斑雕竟謝君門去。酌汝雙叵羅。汝重爲我歌。
人間幽恨亦已多。何止女牛天上悲秋河。又不見黑頭
白面登黃閣。太平無事惟畫諾。薰香五夜擁朝衣。鏡影
釵聲動羅幕。此時笑我委溝壑。又不見東西南北歲屢
飢。夫攜其妻母孳兒。中途賣作青樓伎。少小飄零未解
悲。祇如采雲亦是良家子。見我襄城泣素輝。那能青衫
濕盡無新詩。

王郎曲

名長桂春
臺部歌者

天下三分月。二分在揚州。一分乃在王郎之眉頭。彎彎
抱月含春愁。春愁多種揚州土。付與歌兒更倡女。王郎

張亨甫全集

卷二十四

五

生小住新城。瓊華照影春無主。瀟湘雲曉秋始波。盈盈
一帶如銀河。雙眸剪水清怨多。臨風不語天奈何。偶然
一笑天爲和。紅潮上頰生微渦。團圞寶鏡汝何物。常照
懽愁顏半酡。我見王郎日。王郎已二十。婀娜身輕鎖子
骨。衣香曉著花露濕。人言前時結束乍登場。能使坐者
忽起成癡立。哀絲豪竹歌臺清。王郎按歌嬌娉婷。裊如
語燕將啼鶯。高下不斷傳春情。春情且如此。春愁復餘
幾。十年奔走豪家子。五侯七貴皆歡喜。驄馬並頭油壁
車。門前日夜馳流水。門中曲室交綺疏。堂上七尺紅珊
瑚。後堂塵掩百琲珠。妖姬美妾絕世無。御史中丞老尙

書手題紈扇爲汝媿。不數吳桐仙。誰言夏秋芙。往年王
紫稼。見汝恐不如。使我慷慨萬感俱。使我一歎三長吁。
君不見長安歌兒好顏色。王郎一出誇傾國。如何文采
風流映八荒。飄零京洛無人惜。鬱輪袍。歌不得。琴久碎。
器且滌。但傳王粲賦登樓。那比子雲官執戟。龍虎風雲
夢未醒。話向王郎涕霑臆。或言揚州兒。不如揚州女。吟
詩作畫態楚楚。千金宛轉通一語。邇來鹽筴疲。粉黛亦
苦飢。青樓晝閉蛛蝶飛。杜秋紅淚盈羅衣。乃知艷色同
爲天下重。貴賤苦樂猶有時。王郎王郎汝當勸我一杯
酒。富貴回頭幾是非。人生冉冉行易衰。

張亨甫全集

卷二十四

六

眉仙

名雙壽四喜部歌者

蘇州錢氏子。衆人呼眉仙。眉仙昨日驕可憐。眉仙今日

愁萬千。三十四月欲圓。八十九連下弦。江流東逝

難西還。人生才高須少年。少年不稱意。老大衆所棄。一

樣垂楊大道邊。春來婀娜秋顛顛。且言眉仙昔同師。小

字蓮仙情最癡。翠裘紅頰青長眉。歌臺一出人嗟咨。十

年過眼成黃土。剩有劉郎兩鬢絲。不聞唱渭城。但聞雨

淋鈴。當年豪客亦已逝。人間何處尋旗亭。畫堂銀燭燒

春星。忍見眉仙重醉醒。眉仙況復非娉婷。嗟我那得辭

飄零。我昔游三山。洪濤浩渺不可攀。羣仙待我蓬閣間。

足踏赤鯁行屢艱。我昔叩九閭。閭闔高高虎豹蹲。仰視
不見重雲昏。手持玉斧修柱根。嫦娥爲我苦嘆惜。惜我
當初好顏色。兩行對詠霓裳人。一時見汝羞傾國。如何
蟾兔搗藥各長生。汝墮塵埃鬢將白。金粟重開不得食。
走徧天涯少棲息。夜夢天帝來相呼。下土小人愚徵歌。
縱酒合竄黜。況乃薄視富貴如泥塗。世間萬事等電露。
傷今弔古胡爲乎。杜秋娘。田順郎。前人託興徒慨慷。母
將千載低徊淚。灑向杯乾粉暗場。欲覺未覺天蒼茫。中
宵起坐憂旁皇。嗚呼眉仙我今與誰歸故鄉。

○南陽

張亨甫全集

卷十四

七

雲臺諸將中興業。梁甫孤吟末葉臣。白水飛騰真主氣。
赤符終始此鄉人。山盤鞏洛通秦塞。地控荆襄繞漢津。
誰看卧龍岡外月。不堪驅馬路旁塵。

過裕州野人家

椿樹四五株。下有牛羊羣。有鳥如箏絲。飛鳴一何頻。兒
童互跳躍。折花走比隣。見我聚首笑。不知語所云。乞漿
向老媪。媪意如欣欣。汲井煨榾柮。有煙出籬新。其旁有
麥場。古柏亦輪囷。拂石坐柏蔭。偶見前山雲。父老來就
談。莫辨楚與閩。但言南方客。到此飽見聞。傾漿共飲之。
手指去路紛。老我五六十。已不尋遠親。近今惡年少。掘

坎翻車輪。願君慎前途。去去多苦辛。

新野舟中

決奔南陽郭。吾行更向西。可憐東去水。吹盡北風淒。沙岸盤天曲。雲帆蕩地低。千年龍戰野。客思獨悽迷。

舟發襄陽

襄陽連夏口。千里盡滄波。一夜漢川雨。楚天雲物多。揚帆向沙鳥。懷古負煙蘿。何處尋耆舊。大堤聞唱歌。

曉日

曉日宣城郭。千山共白雲。遠帆如葉下。去鳥亦紛紛。美酒不成醉。棹歌時互聞。鹿門孟家宅。回首悵清芬。

張亨甫全集

卷二十四

六

扁舟阻風。日行數十里。排悶口號。共得十二首。至沔陽郭外錄之。

漢水一千里。楚山高下峯。亭亭碧雲色。落日滿青楓。北渚芳馨晚。南荒濕熱重。併看人事急。沙岸夕流衝。

茲晨五月朔。半載倏蹉跎。望闕江湖遠。觀風道路多。歲時荆楚記。估客石城歌。盡與驚游倦。茫茫阻去波。

屈子江潭日。誰知戀楚心。孤臣甘放逐。故國恨銷沈。競渡遺風古。歸舟廣澤吟。因將汨羅淚。霑灑一登臨。

西控荆門塞。東奔鄂渚流。英雄常百戰。談笑自孤游。高舉摩空鶴。低飛背日鷗。蒼然形勝地。俯仰欲何求。

曠野虞羣盜。連檣聚晚汀。濕雲懸雨黑。飛電劃山青。北
斗瞻辰極。中天夢帝庭。飄飄風鷺外。誰數少微星。

南風頻輟棹。復苦北風驕。順逆齊今古。推遷閱暮朝。沙
黃日漠漠。天白水蕭蕭。故郢多淒絕。征魂孰與招。

空濶江山氣。依人聚作煙。數家脩竹色。半藹夕陽天。犢
返明村火。鴉啼過酒船。不知炎暑酷。取醉愛長川。

嗜飲真成癖。維舟每覓沽。柳分門曲折。花引逕荒蕪。麥
地雞新乳。茅堂燕屢呼。白頭姜田父。曝背抱孫俱。

午日鍾祥道。透遲已淡旬。夢醒三峽酒。衣化九河塵。丙申

午日在任邱莫州丁酉 歲月猶吾困。閭閻覺汝貧。栖栖

午日在廬山三峽澗

張亨甫全集 卷二十四

七

南更北。不見綵舟新。

長年催早發。高浪去還迴。岸轉帆頭落。邨空野色來。隄
防資下策。壅遏似羣才。人事兼天命。蒼茫付一杯。

酒市長堤近。歌棚廣坐張。絲哀翻楚調。衣艷散荀香。風
急淒流水。天閒駢夕陽。泊舟渾寂寞。漫逐少年場。

曉枕聽啼鳥。勞筋泥榻安。聞聲慙舞劍。撫髀戀征鞍。馬
援威蠻易。廉頗用趙難。滔滔行漢沔。身世日長歎。

○ 天門舟夜寄懷四農兄蘭岑弟

布帆夜放清川月。憶汝柴門兩處幽。燕市素衣同別淚。
楚天芳草盡離憂。生存未卜重逢日。世晚空傷獨去舟。

望斷寄書無過雁。夢魂應與共滄洲。

○ 沔陽郭外守風阻漲慨然口號

西北長風日夜吹。亂雲如馬亦紛馳。繫舟漢沔家何在。
悵望乾坤宦已遲。辟地佯狂猶縱酒。著書慟哭敢憂時。
荒隄駭浪爭衝激。無麥兼聞父老悲。

急雨隨風更倒飛。遠天煙霧晝霏霏。將雛斜燕銜泥疾。
喚侶飢鳥點樹微。浩浩驚波看自舞。蕭蕭短鬢欲何依。
真知浮世無安宅。那得蓬壺采藥歸。

○ 至漢臯寄潤臣

京華送我歸閩越。豈憶舟從漢口停。陳迹再尋江月白。

張亨甫全集

卷二十四

十

暮雲一散楚天青。西豪尙識荀公里。孤與難留謝客亭。
落盡梅花應悵望。高樓長笛雨冥冥。

夢孫濟侯兄

故人十年交。死別餘悲咤。蜚廉走江漢。波浪爭高駕。幽
魂那得來。如對耿如乍。平生萬卷書。嚼字比啖蔗。遂窮
經史奧。深入抉荒罅。百家紛牛毛。標的更互射。學成聳
麟角。及鴟乃縱弋。張皇到微渺。神理資變化。退然後眾
人。忠信薄狙詐。憶並師門峙。旁觀駭嵩華。不慙培婁卑。
譚笑多凌跨。君言固樸訥。而我未肯罷。驅役免毫禿。奔
命數晝夜。小人尙輕薄。君子多獎借。京華再執手。涕汗

始交下。握無靈虵珠。眼有連城價。顧惠與江錢。惟汝實
其亞。烏序彼蒼酷。易篋遮炎夏。淡旬判死生。撫棺慟猶
訝。昌黎賴李漢。遺文收插架。入秋繞殯廬。淚湧柔乾瀉。
前年見驥子。勉學問婚嫁。側聞骨已歸。南望痛長謝。安
知楚天末。靈風颯官舍。覺來惟雨聲。蕭騷動臺榭。吾師
亦山邱。論文竟誰藉。歷歷舊游迹。青冥失飛靶。千秋孰
可知。羈孤愴宵暇。

少穆先生出示撫吳時吳丈玉松詩札屬題呈二
十韻

帝眷東南服。公符上下心。三吳資保障。一老領山林。雅
張亨甫全集

卷十四

三

量忘開府。權言契盍簪。耄年能屏杖。良弼正爲霖。譚笑
關家國。風騷證古今。人如開寶舊。詩得白蘇深。啟事箋
頻送。尊賢禮獨任。榻緣留薤置。堂記浣花尋。館閣原前
輩。煙霞久故岑。平生疑野鶴。片紙卽來禽。杜岳掘衣日。
常勞倒屣欽。是翁何叟錄。愛我頗崎嶇。短巷通鸚鵡。叢
書掃蠹蟬。讀騷邀痛飲。擁鼻對高吟。白社招朱若生。顧
杏樓東阜。黃墟悵寶金。鐵牛思哭兀。銅雀話銷沈。
水部先生。玉松先生。守漳德忽愴。山陽笛。空餘海上琴。暫依新節
鉞。共憶舊胸襟。毫素情猶在。摩挲感不禁。幸流江漢澤。

重慰九原歎。

立秋前三夜集飲月下述感有作時子壽暢之藕生慶疇諸君同

徒勞倚醉看吳鉤。四海茫茫不繫舟。明月自浮江漢氣。碧天誰問古今秋。經年西笑無新樂。到處南皮有舊游。幕府清嚴城角暮。浩歌攬鬢惜淹留。

夢裏騷魂不可招。當時賓從半雲霄。風塵痛哭餘狂客。章貢歸舟咽暮潮。請劍心懸青史在。登樓目斷素車遙。隔江誰憶觴歌地。夕露涼蟬徧柳條。昨夕夢廉峯太史君少時嘗讀書漢上今聞將歸葬南昌

七子飛騰鄴下才。應劉接迹出中臺。滔滔天地俱長往。張亨甫全集 卷十四 三

鬱鬱雲山久未回。鄂渚日斜猶運甓。薊門雲散罷銜杯。胡床清嘯南樓暇。獨有銀蟾識此哀。年來雪橋太守雲相繼。迺廉峯又繼之。皆昔在都門朝夕相倡酬者。今畧盡矣。 麓都轉蘭屏比部

天末今餘幾舊交。望中斜漢轉花梢。孫曹歲月長江盡。秦蜀風煙故郢包。陳迹安知龍戰野。倦游何似鶴來巢。夜闌酒渴傷存沒。從古人間一芥坳。

題竟陵胡鼎臣子重詩卷卽送其歸里

短褐稱詩伯。君何媿茂秦。浩歌臨漢水。寶劍送青春。復此秋涼色。遄歸短巷貧。迢迢數雲雁。何處宿斯新。

登黃鶴樓同孝長子壽六月晦日

江漢浩東流。千山莽迴互。仙人既寂寞。老鶴復何處。曠
懷得二子。九衢厭高步。坐憐鸚鵡洲。芳草淒已暮。蒼然
俯赤壁。人代蕩非故。夜來涼雨多。秋色引荒戍。目長雲
雁渺。興靜風鷗度。幽幽下泉火。樓前有元威順王世子
塔相傳下有漆燈猶然
冉冉西門樹。翻嗟千世士。何爲百憂慮。乘桴安所歸。跨
海騎鯨去。

秋風

七月初一夜
夢中得句

蕭蕭斑竹枝。嫋嫋洞庭時。楚客故多怨。美人空自愁。天
涼白雁遠。日暮碧雲遲。愁絕關山月。分明照鬢絲。

漢上汪姚二氏園亭

張亨甫全集

卷二十四

三

鹽筴絀征輸。歲權日虧欠。頻蠲少府緡。乃紓商戶僭。君
看此連牆。轟起劃天塹。高門何潭潭。廣池各灑灑。雕鏤
徧木石。金碧鬱光燄。十步一亭臺。萬花百屏帖。銅龍畫
漏咽。鐵鳳畫檐覘。孔雀五色羽。客過奮窺探。側見二鶴
高。垂翅若有憾。玉壺醉賓朋。繡衣暖僮僮。銀燈擁倡優。
夜嫌明月澹。家樂不外求。歌舞四時占。汪園小曲折。姚
園益豪艷。飛樓切青霄。大別橫坐瞰。滔滔江漢夕。百五
見風帆。花時恣游女。照影入鴛鑑。借問汝役夫。三載築
應厭。可憐片土埴。鳥獸形雙鑿。千指日經營。木妖吁已
濫。前年生。

上林災糜帑廡

宸念構架取舊材。未肯侈游覽。汝曹忘
帝力。奢汰當何斂。芰荷過涼雨。零落疏紅蘸。感此傷人
心。回望斜陽暗。

漢臯篇

漢臯山水無情緣。漢水江流相斷續。江流日夜逝不歸。
可憐漢水搖黃鵠。黃鵠遙通隔岸煙。青樓碧玉破瓜年。
十三解作折腰舞。十四能調却手絃。十五鴛鴦繡七二。
尋常鶯燕笑三千。三千粉黛無顏色。二四琴絃暗推測。
譜出瀟湘夜雨聲。聲聲雁落平沙側。淒淒蘭蕙出煙墨。

張亨甫全集

卷十四

十四

嫋嫋秋風送眠食。秋風春月能幾時。日對菱花慵畫眉。
獨處青溪身未嫁。偷題紅葉怨無期。阿母生小春申浦。
傾城絕艷歌金縷。解珮羞爲第二流。漢臯往日逢交甫。
關西貴族籍臨江。一門三世雄麾幢。開府中丞持玉節。
下帷公子厭銀釭。長生七夕私盟誓。來如漢水朝朝繼。
無端却逐大江波。東下鄱陽更西逝。蒼茫難問投書地。
阿母宵寒啼擁髻。琵琶別抱趁商人。仙蚌胎如明月新。
忍憶飄零分骨月。不堪流落更風塵。風塵久浣羅衣襖。
生憎繞髻驚蝴蝶。那得溫家玉鏡臺。漫陪秦國珠腰褱。
登樓俛望黃鵠山。黃鶴高飛同不還。山前江水流潺湲。

水流送盡千珠顏。試彈寡鵠和別鶴。浪濤畫作非人間。
以茲花貌催瘦損。亭亭落日孤雲遠。何處江帆解汝迎。
怕吟桃葉渡頭晚。汝不聞小玉當年本貴家。十郎才調
冠京華。不逢馬上黃衫客。目斷關雲隴水涯。又不聞薛
濤門閉枇杷下。萬里橋邊爭走馬。文采何妨奏校書。卽
今誰是高駢者。湖州紅落綠成陰。亦有司勳空見尋。自
古傷心歸薄命。莫臨漢水苦霑襟。

次韻子壽十四夜飲月下作

芙蓉生秋江。不采將誰期。早涼恐搖落。風水何差差。感
茲素娥意。頻來慰我思。願依天末光。流照青長眉。月缺
圓有候。會合亦如之。非無金錯刀。所惜予美貽。對酒復
嘆息。夜長漏已稀。盈盈一水間。微波難通辭。高樓在西
北。見我徘徊時。

次韻子壽七月望夜對月

華月耀霽宇。清光散林阿。渺然涼露氣。桂影垂婆娑。廣
筵集上賓。皎如眾星羅。臨觴悵羈獨。曰歸懷煙蘿。秋風
動江漢。天闊迴滄波。萬家聽木落。流照哀絃多。今夕候
已滿。後夜將奈何。仰視一輪間。遠有千山河。明年憶此
會。判若汚與沱。朋游戀盍簪。歲時驚擲梭。圓景逾十度。
異鄉同慨歌。

次韻子壽十六夜復飲月下

昨夜憶圓景，仰天風飄蕭。宵來攬青髻，暗逐秋蓬凋。恨
望關山遠，遐思閭闔高。安得大地人，超舉皆雲霄。商聲
動四海，哀鴻何寥寥。咄哉廣寒宮，或言歌舞豪。嗟汝修
月子，坐見盈虧勞。酌酒復問之，三人盟漫要。醉食武昌
魚，閒數吳兒謠。江水送英雄，誰能悲二喬。

走筆次韻子壽十七夜飲月下

今夕月何遲，滿天見雲行。長風忽卷盡，遍地秋蟲鳴。颯
颯木葉亂，嘹嘹江雁驚。稍覺玉盤仄，氣涼梧竹清。置酒
更雜坐，高望懷幽并。黑貂旣久做，黃金不復贏。獨餘興
張亨甫全集

卷二十四

美

亡慨痛惜金元明，冠蓋醉華月。孰悟虧與盈，以茲重太
息。勞子悲我生，豈不慕養晦。嗟哉浮世名，
爲兩庵書扇

江漢涼風至，天涯久未歸。亂雲秋更合，殘葉晚皆飛。歲
月中年疾，親朋近日稀。迢迢東去帆，一爲送斜暉。

哀猿海濤曲

偶閱野史載鄞張公煌言事有足感者爲賦新

聲

帝子飄零已不歸，極天惟見海濤微。哀猿夜叫冬青樹，
葉落蕭蕭霜滿衣。

葉落蕭蕭霜滿衣。哀猿叫斷夕陽微。匡山一夜秋如許。
海水滔天何處歸。

海水滔天何處歸。十年江色暗青衣。零丁洋裏北風惡。
猿叫南屏秋月微。

猿叫南屏秋月微。青楓黑塞欲何歸。海濤不沒粘天處。
猶有王孫啼滿衣。

鄭克塽投誠後明諸
王有殉節臺灣者

殘月柬子壽

殘月五更頭。窺人似解愁。玉顏恐遲暮。銀漢悵斜流。林
露兼衣濕。江風近曉秋。須令圓鏡影。還照最高樓。

贈劉坦翁卽題其鳶飛魚躍行看子

張亨甫全集

卷二十四

三

劉侯磊落好男子。腰腹十圍意何偉。何年射虎向南山。
醉來屠狗過燕市。燕市中有千名花。花前大月橫銅琶。
推手却手三嘆嗟。此時痛飲忘天涯。宰官之身亦幻妄。
舉頭碧落何昭曠。一聽王郎子夜歌。至今漢上無高唱。
無高唱。情懷愴。七絃更有萬千愁。那得與侯載游舫。如
何大笑惜我癡。示我青天碧水無端倪。茫茫人海何高
卑。有鱗者躍翼者飛。酒酣一笑睥睨之。劉侯劉侯此意
眞我師。我將挂帆滄海歸。侯亦策馬宰王畿。相逢落日
太行側。千斛酒澆塵滿衣。蝸角功名空是非。

武昌送陸立夫太史入都

黃鵠磯頭白浪生。挂帆遙指

英雄戰壘雲邊盡。

秋色江山酒外名。內相勳名期陸贄。諸王師傅待桓榮。

九霄高處瞻天近。倘意羣仙下界迎。

太史鄉人如子壽考長皆異才而挽於

第

擊劍高歌舊酒徒。醉來何處讀陰符。風雲悵望千秋滿。
江海依然一客孤。送遠夕陽連楚戍。相逢飢雁下吳都。
還朝賈傅應前席。好爲蒼生贊廟謨。

道光戊戌秋八月望前三日將自武昌之郢襄旣

束裝矣雨不克渡江於節署悶坐思與坦衢明

府兩月聚首於茲甚懽今各有事別去不可無

張亨甫全集

卷二十四

三

言遂復走筆雜寫數語奉之他日天涯海角見
此卽如狂夫在目前矣其印尾可借子壽文蓋
亦見吾三人同在一時也

燒猪在左月餅右。惜無美人與醇酒。先生老去百不豪。
坐對青天獨搔首。江城連日雨復風。黃鵠磯頭白波吼。
扁舟欲發未肯發。惆悵園花壓枯柳。頗聞新香出老桂。
嫩蘂疏枝那忍取。竹籬低亞菊含苞。別汝誰同作重九。
後期細數倍太息。隻雁孤雅乃吾偶。襄樊自古戰爭地。
百代英雄竟何有。不如石城兒女曲。至今傳唱在人口。
茲行懶上呼鷹臺。且向鹿門弔龐叟。漢川東逝不西流。

啼徧春愁在板橋。

游瞻園作詩

瞻園舊是中山府。我來尙識園林古。一朝劫火燼江山。
百戰功名剩塵土。王昔崛起從高皇。勦伐遠過傅李湯。
行軍智勇若武惠。得主終始如汾陽。此園當時出天賜。
賜坊特表大功字。草木猶承雨露恩。簷楹盡接風雲勢。
可憐世守二百年。邵平豈信無瓜田。故家祇賣園中石。
漁稅難徵湖上錢。祇今管領歸方伯。傳舍流觀改金碧。
古槐疎冷令公居。大樹蕭騷馮異迹。鍾山相望鬱崔嵬。
高皇將相皆雄才。子孫蚤有留都變。甲第那無易主哀。
張亨甫全集

卷二十四

五

且如一帶秦淮水。十六簫樓燦如綺。丁字簾前夕照非。
霜笳吹月秋風裏。陪京宮闕更何存。盡作新豐雞犬邨。
前明舊內今爲駐防所居漫言江令青溪宅。不記王郎烏巷門。匹夫
佐命眞殊遇。人代興亡自天數。王存威望在乾坤。王死
神靈與呵護。君不見孝陵松柏守祠官。芝蓋今游花未
殘。高宗常游此園千載君臣同氣象。路人莫作廢園看。

二十八日登燕子磯作

大江東出黃天蕩。曠望天長入海流。六代山川餘王氣。
一年歲月盡孤舟。蛟龍夜傍危亭嘯。鶴雀寒摩絕頂游。
莫問興亡成底事。衰蘆殘柳點汀洲。

眞州除夕

時石甫刺史署鹽務司馬在此余至而刺史往揚州故泊舟待之

去年韶州城今年眞州郭萬里浮雲定笑人何事相隨
慣飄泊眞州使君於我厚出門誰與致杯酒天晴風利
不肯發坐待雄談對搔首君不見李太白舉世無相知
獨有賀四明長安買醉輕金龜世人謂我今何爲飄然
行路歧有歧請君試看橫江雁應識人生高下時

張亨甫全集

卷二十四

三

走筆別王雨庵

春霖

老夫醉欲帆滄海。過江乃畏雨與風。沈沈天光似到地。
幽花瘦草鳴疏蛩。不知夜來高柳折。一笑造化無全功。
心憐身世等泡影。猶倚尺劍譚英雄。山川昔擁吳王宮。
至今江漢爭流東。孫曹事業杯酒盡。赤壁剩有孤飛鴻。
後來更笑蘇長公。登臨徒侈文章工。洞簫聲杳皓月落。
海南誰與嗟途窮。荒園雖小卽我宅。我行且任園丁傭。
願君莫憶權會日。百年萬事皆虛空。是時桂蕊初豐茸。
張亭甫全集

卷二十四

三十一

攀枝轉惜連蜷叢。歸無可隱出不易。拍手笑倒羣兒童。
斲肩可擘竟痛飲。去去亦是浮雲蹤。後期未定倘相念。
請看水上之征蓬。

十三日泊沈家廟別立夫太史十四日泊泉隆巷

日別子壽十五日別湘琴霞仙泊橋口皆在漢

口十里間而忽中秋矣悵然日號

一舟依漢口。三宿度秋聲。飛到青天月。應知送遠情。露
華垂樹曉。夜氣合江明。行路無佳節。栖栖惜此生。

十五日登梅子山泛月湖徧游湖上諸寺復登大

別山望鸚鵡洲仍泛湖而歸

漢皋十萬戶。月滿動秋風。吹徧江城月。游人總斷蓬。誰
招湖上隱。坐惜桂成蕪。一感牙琴意。天涯動宋公。伯牙
臺園
壁有宋芷灣。觀察題句詩。字皆奇偉道。光六年筆也。余
於是年秋。識先生於京師。先生年七十餘。其冬卽卒。於
湖北糧
道署中

湖波渺如此。秋思轉依然。昨夜眉間月。因風柳際圓。團
團寫妝鏡。高下見山川。千里征帆動。深悲已逝年。

十六日阻風羅家墩。遂游三山境。汪氏園觀桂花。
淹泊勞行役。登臨豁倦游。雨深叢桂老。香靜一亭幽。歲
月終難隱。乾坤浩已秋。漫嗟餘玉斧。何處訪瓊樓。

園中適有游客。招同飲。遂就醉焉。內一少年汪姓。

張亨甫全集

卷二十四

三二

漢皋人

得酒卽堪醉。相逢多少年。自憐衰鬢影。同對晚花天。山
雨深留坐。林風近落泉。汪倫情最好。痛飲泥青蓮。

十八夜泊汪家河對月有寄

圓輝曾幾夕。浩露又清波。不怨金徽暮。秋江風已多。蘭
叢惜窈窕。桂殿想婆娑。臂冷淒寒玉。垂簾背素娥。

漢川

漢川柳色何依依。漢水流人何處歸。昨夜峭寒波上月。
朝來城外照征衣。

至安陸作

楚成日秋風。征人尙轉蓬。雁沈珠隄冷。鴉噪石城空。鄉
淚看叢菊。琴心感廢桐。不勞歌白雪。滿目送飛鴻。

○ 九日鍾祥縣署作

重陽十日九風雨。此日風多與放情。天入荆襄低楚塞。
水迴漢沔接江聲。一年節盡殊鄉度。萬里秋從返照生。
強欲登高羞落帽。鬢絲離菊判衰榮。

○ 十一日作去年此日
自家北行

半生閱歷關家國。萬里奔馳滯郢襄。悵望英雄紛故壘。
獨游歲月剩斜陽。茅容奉母賓難謝。杜牧譚兵別亦傷。
已遣一年消道路。莫悲終古弔滄桑。

張亨甫全集

卷二十四

○ 復聞雁聲

已去胡沙應萬里。乍迴楚水又三更。天長月暗秋無影。
風急霜高夜有聲。遠道征人愁共覺。空閨思婦夢多驚。
盡催關塞哀笳淚。併入江鄉戍鼓情。

○ 故明興獻陵留題

漢家久合尊南頓。宋室偏聞議濮王。戰伐再興由異數。
奉迎嗣統戴先皇。寢園乍可誇龍馭。弓劍何當比鳳陽。
父老莫悲人代易。昌平回首等滄桑。

光武不追尊南頓君蓋欲因人心思

漢出一時權宜之計然已薄矣若宋之濮安懿王殆無可議明之興獻王亦然夫宗子不可無後而別子可無後世宗不當後武宗然當後孝宗也憲宗以天下傳之孝宗未嘗傳之興獻世宗考孝宗而於近親爲興獻別

立後乃禮之至當至歲時享祀用天子之儀亦可則葬以士祭以大夫之義也與獻妃之稱后亦可以生見其子之君天下則母以子貴之義也使當奉遠詔時遠慮及此詔以興獻王子某爲孝宗後入嗣大統以宗人子某爲興獻王後世宗母子當亦未嘗不人京師也而安有後日之紛紛稱帝稱皇考之擾哉或日於一切詔書何日於孝宗稱皇考於武宗稱皇見於興獻稱朕本生考獻王可也

○聞鰲石方伯擢四川總制雪椒廉訪擢山東方伯

感懷故光祿許公都轉鄭公慨然有作

少年走馬長安道。慷慨憐才有數公。已許後先持節鉞。竟殊生死感雲風。齊城帶海藩屏遠。蜀道連天幕府雄。獨有九原長寂寞。不知途路泣飄蓬。

○至日漢川舟中作寄樹齋海秋潤臣

張亨甫全集

卷二十四

十四

午日中秋更重九。劇憐漢水與東馳。山川淒絕寒蕪外。雲鳥依然夕照時。曠古勳名如旦暮。故人歲月各天涯。趨朝若接嚴公騎。謂少穆先生久客深知子美悲。

十月廿九發安陸初四日至岳口與孝長飲別初六日至漢口作

石城一夕起天風。千里揚帆出碧空。醉別竟陵筵上月。直隨漢水下江東。

○漢口逢春如觀察卽送之備兵潼商

三秦形勝雄中夏。險要先爭第一關。如此夕陽斜漢水。居然晴雪入商山。江湖歲晚吾廬遠。壁壘風嚴士馬嫺。

敢望綈袍憐故舊。要寬西顧慰
天顏。

○余五月來漢口得少穆先生留寓節署八月乃於
役安襄比歸再入署則先生已入都矣感念之
餘輒復成詠

幕府重聞鼓角聲。九重高望不勝情。重臣報國心原瘁。
聖主憂時事可爭。江漢朔風連夜永。幽并寒月近天明。
衰梧細竹蕭涼地。親見陶公運甕行。

九江同鄭仁圃太守登庾樓望廬山復同游琵琶
亭錄別有作

張亨甫全集

卷二十四

三五

絕頂明殘雪。清寒動太虛。江山百戰後。風月六朝餘。領
郡推雄鎮。論才感謫居。香鑪照湓浦。別後興何如。

○廿八夜鄱陽湖舟中夢石甫廉訪

湖水江流同到海。誰憐海外歲將除。十年豈信吾猶賤。
一夢安知見久疎。彭蠡書遲失陽鳥。大荒日早照神魚。
會須徑踏鯤身頂。談笑東陵百谷墟。

○除夕鄱陽湖珠璣口舟中漫成

十年除夕八他鄉。自己丑至今惟王辰丙申家居五度扁舟淚萬行。何
處江湖餘好夢。此生家國永相望。雲來彭澤昏吳楚。浪
湧匡廬失貢章。南海未歸瞻北極。怪風疾雨益蒼涼。

薄宦宣南記孔融。去年此夜送詩筒。昨歲除夕將寢矣忽着函比部送詩

十八首來頓江淮夢隔三千里。潘四農魯蘭才俱十倍雄。

能補白華對青眼。定憐短髻與飄蓬。驚濤四起搖孤枕。

輸汝田園歲晚同。時着函請假歸淮上

風雪圍爐話九州。扣門感激見蒼頭。千秋意氣傷存沒。

孤棹妻孥歷阻修。此去章門應慟哭。古來國士不埋憂。

如山白浪魂知否。辛苦歸心滿客舟。丁酉在京寓無以度歲廿八日雪中

飲樹齋鴻臚宅忽廉峯太史遣僕以白金相餽為之感激今廉峯沒矣能無泫然

近聞騶從度江關。澤畔行轅擬再攀。豈意風波成阻絕。

轉憐旌旆失蕭閒。馳驅歲晚因憂國。淹泊潮濱悔出山。

張亨甫全集

卷二十四

五

當代不逢韓太尉。誰知民允惜時艱。廿三日過九江晤仁圃太守知少穆

先生先一日始發九江竟追隨不及

一代姚石甫黃樹齋實異才。盛名中外望三台。淹遲宦

轍應誰惜。流落江鄉更自哀。萬里驚濤行絕海。千年駿

骨弔荒臺。滔滔目斷投書渚。兩地何緣對舉杯。

何事遄歸久未歸。石城樊口意多違。十月初二自襄陽至安陸為周太守

遮留不得行十一月廿五自漢口登舟十二風塵失意

月初二至黃州。又以病折回漢口就醫。家何在。湖海殘年計總非。繞膝童孫思宛宛。傷心慈母

望依依。不須更話陳蕃榻。是渚終宵幾攬衣。

建甯張際亮亨甫著

孔慶衢寄吾校刊

初七夜吳城舟中對月

長風吹朔雪。幾日入春寒。忽聽江天雁。翻驚得月看。歲時鄉夢永。雲水夜光溥。歸及初圓魄。梅花想未殘。

己亥歲春正月再過南昌作

浮雲何冉冉。照我衣裳單。我行冬復春。怨此北風寒。西山霽雪色。宛如故人顏。逝者不我悲。生存半憂患。仰視吳天翼。冥冥去何極。浩浩章貢波。蛟龍安可測。我生真細人。奔走困衣食。扁舟指南斗。忽復望西北。西北夫如張亨甫全集

卷二十五

一

何太行高嵯峨。行恐車輪折。坐憂髣髴。蕙草日夜衰。合樓向山阿。雖有春宵露。朝霜亦苦多。客從山中來。言采雙桂樹。服食可長生。胡爲怨途路。謝客莫我顧。東去隨所遇。君看孺子亭。渺然湖上暮。

臨川舟中

又向臨川郭。東風悵落暉。一年春更早。萬里客何歸。江遠帆逾定。天空鳥自微。無花豁愁眼。觀化且忘機。

潮音洞

建昌下流四十里

鑿石成陰洞。聽江亦梵音。煙崖懸屋岓。春雨到門深。幻迹皆仙佛。滄波自古今。因憐賣薪叟。閒坐對沙禽。

○建昌城外見新柳

江邊初曳綠絲絲。千里歸人帳有思。去日秋風殘葉盡。
經年春色曉煙垂。關山奔走空聞笛。粉黛飄零亦損眉。
底事纏綿經雨色。泥人百轉聽黃鸝。

去外邨別業作

六月十五日

我歸仲春初。及茲夏欲除。涼風覺秋意。梧葉當窗疏。沈
疴幸更生。倍悵流景徂。蟬吟夕露靜。鳥散朝煙虛。倚樹
聽溪聲。望雲懷邨墟。耳目積暇豫。道路紛躊躇。田父走
相送。親舊對攬裾。我生一何勞。天命罷歎歎。惟應滿月
光。還與照倚闌。

張亨甫全集

卷二十五

二

至光澤煥奎太守出示近詩因題

無絃待涼月。有酒卽新詩。臥看烏君色。天高雲下垂。八
荒自蒼莽。四海足懽悲。抱膝吟梁甫。蕭然忘素期。

去別業是夜宿漳邨

招手碧山月。隨人向海天。昨宵松際色。回望自蒼然。

邱家隘

越嶠與章門。山川曠千里。誰知一嶺間。下見江海水。

新城

有叔八十六。別來今五年。老人愛骨月。閒話也懽然。

白沙

漠漠孤邨雨。脩脩苦竹林。一燈仰茅屋。四海此時心。
光澤

老元幸猶健。故人多可傷。何須話東海。到處有滄桑。
郡武

詩話樓頭月。懷人十五年。繫舟不相見。曉色自江煙。
順昌

故鄉門外水。直過此城流。不遣變春酒。誰澆萬古愁。
上洋口

山市懸沙岸。溪風激石灘。順流三百里。百倍贛江難。
延平

張亨甫全集

卷二十五

三

建谿接延津。悵望思良友。安得喚雙龍。起舞勸杯人。
水口

千灘自此平。三山如不遠。蒼翠落孤舟。天濶雅飛晚。
竹崎關

下水船何滯。猶牽百丈行。南風催櫓急。知是午潮生。
洪山橋

故人爲別處。重過意淒然。比似灞陵水。銷魂已十年。
○ 己亥歲福州爲秋史閣詩

病蟬警露息。孤吟大行涼。風咽谷陰。四海應餘銷骨毀。
百年且盡愛才心。新詩語似東坡雋。落日秋生大海深。

持節建牙親望在。莫將采筆誤華簪。

○八月十四日薄暮携姬人登鄰霄臺日號排悶

無端作客又中秋。過眼雲山不少留。去年此日獨游漢陽登大別山

海依然浮皓月。乾坤何處問歸舟。登臨幾日皆陳迹。七月廿五亦同

登此臺。俯仰千年亦壯游。故舊凋零時事改。只應携

爾望風漚。

○八月十五日同芑川孝廉訪少谷先生遲清亭故

址歸飲寓齋作

倦客徒懷千載哀。海天不見雁鴻回。時久不得少穆先生消息憂時

尙識悲歌地。弔古仍憐凱讞臺。亭近平遠臺明戚少保平倭凱旋常飲此臺

張亨甫全集

卷二十五

四

泉石風流人代改。江山秋色雨聲來。虧盈抵月輕身世。看取尊前磊落才。

八月晦日劉綺躔同年令弟冰如上舍招同葉五

卓人林大柏卿泛舟小西湖集飲宛在堂作

千秋一片笙歌地。湖水依然蕩空翠。試從漢代俯唐年。

騎馬釣龍等兒戲。扁舟落吾手。談笑縱杯酒。世間萬事

誰不朽。感君對話陳家婦。是日適齊烈女厝柩出寺風塵百折此歸

休。求仕何如晚嫁羞。未肯江湖忘魏闕。正同烈魄殉荒

邱。却憐五載重來去。堤柳凋零失飛絮。嘆逝傷離李相

祠。斷鴉數點歸何處。青山猶蜿蜒。秀色來尊前。後先况

有翰墨緣。宛在堂祀先輩能詩者十五人可以豁除萬感歌向天。安知紛紛愚與賢。白花紅芰他時好。誰記西風醉泛船。

○重九前數日連醉憐香女校書水閣賦此初校書之母芝英與余戚某君相善也閒坐話舊不勝慨然故辭多惆悵云

一水盈盈帶遠愁。四絃聲落動沙鷗。人如煙外梨花曉。我怨風前玉樹秋。何處春光同鄂社。可憐燈火失樊樓。相逢便是麻姑侶。三見揚塵變海漚。

競渡端陽百戲宜。此嘉慶戊寅己卯道光癸未甲申間事彩船泛月又相隨。此道光庚寅年事都成一覺揚州夢。合唱東坡水調詞。醉醒

張亨甫全集

卷二十五

五

今宵風易曉。春歸何許馬俱遲。艱難看到平康里。萬事興衰總可知。

誰上他年柳七墳。井泉唱遍費殷勤。仙人乍覺流鉛水。神女何當化采雲。漠漠秋江簾外合。瀟瀟暮雨笛邊紛。直疑重入華胥國。衰病將毋謝見聞。如此高樓抵將臺。風檣葉葉戍旗開。一天水月流粧鏡。萬嶂雲泉落酒杯。歌舞每增懷古感。登臨深望出羣才。錦江不遇高千里。花下休教醉百回。

游鼓山同何子貞太史蔡玉山侍御

飄飄青鸞羽。招手凌天風。下視江海氣。浩然出雲中。逝

者日相續。懷往意無窮。摩崖亦陳迹。誰見前賢蹤。涼煙散木末。陰澗繁秋蟲。合沓亂峯間。雨勢來何雄。懸泉瀉崩壑。絕壁吟長松。蕭蕭萬籟交。對坐山正空。眼前卽千變。身外皆孤蓬。何以勸金壘。微月行空濛。夜起望太廡。興在扶桑東。迴駕險自失。振策勇亦從。茲爲無垠礙。譚笑俱禪宗。沿源再游歷。午霽回山容。虛亭何所有。巉巖俯龍嵒。滄溟渺難卽。安知魚與龍。吾欲乘虛舟。期子蓬萊宮。心嗤宴國師。噉水矜神功。

○送子貞入都

廿年相望茲持節。名父風流眾所推。何止後先真繼武。

張亨甫全集

卷二十五

六

更看南北各量才。

己卯尊甫主福州鄉試。今年復典順天鄉試也。

朝端書法尊

義獻。賓從文章盛馬枚。獨有四愁老平子。無田歸去日遲回。

海上珊瑚一網收。龍頭龍尾總無儔。江山寂寞宜濡筆。煙雨蒼茫又去舟。虹板應看寒月蚤。玉華莫悵夕陽秋。自來名勝逢名士。亦似升沉各有由。

有客重臨古石頭。煙霞舊約竟難酬。

昔與樹齋通使約。若典闕試余不入。

闡而偕之游鼓山三日。今年樹齋主試。仍得江南而余乃與君同游。

白雲一宿皆前定。青

峭孤行俯十洲。

君獨登巖。崩峯余與諸客留白雲堂。

風島戰波成怒虎。欄

泉落海散輕鷗。拈來便是忘歸諦。

山中有試問湖何是。忘歸石。

莫愁。

彈指堂堂十四年。余始識君於陳石士侍郎京邸。看君身到大羅先生。

名本以詩書重。文采何妨富貴傳。走馬燕齊黃落日。聽

鴻吳越翠微天。并須染翰驅風雪。待與重逢証墨緣。

西湖僧六舟剔燈圖 子貞屬題

西望流沙北。薊州南。愁粵嶠海風秋。却從雁足參人代。

輸與湖山老六舟。

螢火終悲照劫遷。剪燈莫話竟甯年。秋宵露冷蘭膏濕。

亦是金銅墮淚仙。

為黃聖徵書扇

張亨甫全集 卷二十五

七

漳平山水窟。誰憶舊游緣。倦旅逢佳士。高才况少年。鷓

鷓應刷野。鷓鷯自摩天。看取黃花在。香留晚節堅。

送王貽穀歸興化 時新得省解

紅樹蒼山帶暮流。送君騎馬復乘舟。湖邊招取仙人鯉。

大好凌風向十洲。

名父譚經比劉向。大師傳業是康成。一輪羣鹿山頭月。

先師陳太史葬處 流照天南萬古情。

黃忠端公獄中八分書孝經為賴子瑩孝廉作

明祖崛起殲羣雄。猜忌頗與劉季同。闕庭授杖法益虐。

再傳何止哀藏弓。三百年獄慘相繼。思陵不悟矜予智。

如公忠鯁豈好名。四拷九鞠嗟何意。烏虜西來戎馬躡。
王畿南渡江山空。夕暉閩海募師身一出。孝陵再望事
全非。乃知求臣必孝子。請看碧血尙盈帑。百二十本貫
星日。流落人間僅見此。此本奚如正氣歌。賴子得之千
撫摩。獄中受經意豈異。旦夕未死甯蹉跎。何況尊親義
則一。嚴命誰能逃斧鑕。戀一人如慕二人。心在朝端淚
在筆。吾聞東坡系獄詩。能使庸主開昏疑。請公沽譽匪
獨聞。人才進退關安危。可憐諸臣亡國語。有臣如公亦
無補。縱教披髮謝高皇。多少忠魂泣風雨。先朝作德久
已涼。釣黨終成漢昭陽。徐泗地靈通絕續。祖孫家法互
張亨甫全集 卷二十五 八

興亡。賴子賴子寶遺墨。百金一字休論值。二傳應知出

處心。千秋漫藉文章力。與汝同談忠孝人。銅山石室住

無因。饑驅南北毫將禿。媿負平生君與親。公自跋云。西

淪玉幽拘變操。和以履霜。感遺體之靡甯。思本事之未

盡。與懷明發。負痛在躬。於時易傳已成。詩正未就。籤軸

之觀。既少明發。述之義鬱焉。乃約兩日書。孝經一部。

爰貽同患。遂念二人。崇禎十四年辛巳八月十一日。

爲陳拱垣世兄題扇子

何處雲山對畫橈。斷堤風柳自蕭蕭。恰如秋晚南徐郭。

斜日金焦送落潮。忽忽江湖媿釣師。故山雖好欲歸遲。疎林葉脫煙雲散。蓬戶清寒畫不宜。

爲李星邨兄書扇子

旗鼓飛騰到眼明。釣龍臺遠大江聲。君看一片斜陽色。
正有興亡萬古情。

渺渺涼風正落潮。千檣帆外酒旗飄。不須痛飲秦淮上。
如此江山似六朝。

題平旦鐘聲圖爲廿九玉仲麒

夜氣蒼茫尙未分。一聲驚夢破朝雲。少陵復宿招提章。
舉似君應悟見聞。
了了心清証萬緣。蕭然獨醒曉風前。清鐘響寂紅塵上。
多少朱門尙醉眠。

張亨甫全集

卷二十五

九

走筆爲蕙卿題文衡山松陰煮澗圖

寒松結幽陰。絕澗瀉空碧。山深樵牧稀。謾謾風墮石。天
空雲自閒。水靜日如夕。一詠招隱篇。惆悵束薪迹。

渡烏龍江

亂峯西擁大江來。百折濤頭走怒雷。龍虎自雄山水氣。
鼓旗誰弔霸王才。天邊海色明三島。帆外風聲散九垓。
便跨金鼇看浴日。人生不合此低回。

宿楓口

五虎參差列翠屏。更從雲外數長亭。江山積勢餘迴合。
溪谷生寒忽杳冥。漠漠煙鴉銜晚照。蕭蕭秋士落空青。

別來初見重峯月。憶到眉間有淚零。

常思嶺

萬山東到海。一氣半成雲。嘯地風先合。黏天霧不分。石危懸馬首。樹老散鴉羣。戍堞蕭條在。時平仗水軍。

漁溪

莽莽重山勢忽低。遠煙疎樹畫漁溪。天光倒海飛帆外。野色盤雲落照西。佐酒盤飧饒蚌蛤。傍邨洲渚散鳧鷺。劇憐滿日游閒子。誰勸扶耆抵負犁。

涵江

一水分雙縣。江鄉卽塞門。島夷常出沒。戰鬼幾朝昏。故

張亭甫全集

卷二十五

十

壘寒潮洗飛梁。落日翻滔滔。見千古。觀海復何言。

興化

紅牆綠荔碧漣漪。向晚城陰艇子遲。大好山川冠蓋里。最宜煙月木蘭陂。耆英著述三通並。女士容華一賦垂。復有前朝哀戰伐。莫忘防海太平時。

瀨溪

歷歷前朝貴客墳。野風吹斷賜碑文。清溪莫笑漁翁老。看盡蒼崖幻白雲。

楓亭

龍團清絕子魚良。食品天教聚瘴鄉。色味未從經宿變。

楊盧先笑並驅忙。漫勞驛使馳炎海。欲掩名花擅洛陽。
未飽東坡應不憾。端明墳近有餘香。

宿塗嶺

山盡東南徼。蒼然萬石高。火維餘氣勢。邨舍背波濤。
十月蚊猶盛。三更颿自號。涼州君莫換。一斛少葡萄。

洛陽橋

嵯峨白浪若雪山。古來欲渡愁心顏。至今過者但長嘯。
洗足不觸鼉鼉頑。輿馳馬走石幾爛。長虹照水明彎環。
誰將忠惠功。譌談到蔡錫。我觀摩崖徑尺書。事該文簡
書可惜。孤亭試望海門東。直沽京口一水通。金厦臺澎

張亨甫全集

卷二十五

七

勢犄角。莫使夷舶頻乘風。此橋亦是嚴城衛。兩岸猶堪
伏千騎。鐵索何愁王濬焚。石犀永鎮成都利。渡河豈必
羨蘭州。連竿裊裊維桂舟。老去子房難進履。病來司馬
厭鳴騶。恰逢潮長飛橋柱。父老曾聞誇吉語。鷗邊晚照
沒煙濤。鴉背雲嵐作風雨。萬峯宛轉空明際。遐想江南
昔鳴鏜。大編隱隱鵬駕天。小舟拍拍鳧戲渚。一帆借我
十洲行。大笑石梁失霞舉。吁嗟乎秦皇鞭石石不走。何
似海臣報賢守。可知濟物恃忠誠。富貴於人復何有。吾
驅瘦僕向清源。王氏雄風亦豈存。路人免陟鯨波險。干
口流傳蔡狀元。

○泉州

文獻聲華達上臺。七閩劇郡此先開。漣天海水通番人船。
亂世雄風起霸才。煙雨千家丹荔繞。雪山萬頃白鹽來。
誰知父老思龔遂。刀劍兒童實可哀。

○宿沙溪

安海風多欲上潮。馬家港口日蕭蕭。魚蝦入市炊煙晚。
鳥鵲盤空故壘遙。此地昔應經戰伐。何年俗解愛漁樵。
邨荒旅倦傷今古。榕葉閒聽墜板橋。

○同安

一代旂常盛武功。桓桓施李萬人雄。羣山尙自飛旌旆。

張亨甫全集

卷二十五

戰艦何當蕩水風。鄉里威名韓岳並。死生分義耳餘同。
鄭氏遙戴明藩施侯實與共事 譙樓夜靜聽寒鼓。西望重洋憶海東。
時 皓利夷船有闕入內口者與我兵互有擊傷

○宿龍江

海水東趨路更西。白雲何處望龍溪。一車會葬慙張范。
千里相思憶阮稽。衰草映空斜照滿。老榕壓屋夕煙低。
劇隣風雪寒宵意。豈爲茲行送馬蹄。
寒宵話別圖往歲辛卯爲鄭都轉作也

○由江東橋過萬松關

十里蒼山壁壘存。嵯峨萬石結松根。潮來乍覺風先湧。

日落迴看海未昏。天外瘴雲盤百粵。夢餘斜月入中原。
須從直北瞻南斗。荒戍崎嶇未足論。

漳州

萬峯北擁藏雲壑。一水東趨蕩海天。金廈煙波盤越徼。
石幢風雨送唐年。猶傳教化存巾履。誰與蠻夷別布泉。
漳州悉用夷錢名郡從來資控馭。汀湖況是接山川。

南山寺

寺有石佛高四丈時鄭都轉殯於寺側

金身何似一丈六。石磴偶然百尺孤。海色蒼茫又城郭。
騷魂寂寞自山隅。悲深骨肉無坯土。時夫八長君同殯此散盡冠
裳有酒徒。東粵別來如昨日。南山愁過更征塗。

張亨甫全集

卷二十五

十三

游開元寺登紫芝山

龍象經壇古。蛟鼉海氣驕。高城初墮葉。寒日欲生潮。衰
病登臨覺。親朋歲月凋。觀空看老佛。招隱向山樵。

贈曹子安明府

神君昔本稱才子。青眼今初豁白雲。班馬傳書仍論世。
歐蘇爲政不妨文。風塵寂寂吾將老。天海蒼蒼氣不分。
朝發木蘭向金廈。爲憐鶴筆立雞羣。

登舟往廈門以潮微不得發次日遂由舊道歸

回車聞阮籍。泛雪訝王猷。歲暮遂遲意。風塵往復愁。日
斜懸島動。海湧挾天浮。戰壘餘形勝。何年許溯游。

漳州至泉州歸道雜詩

我來夫何爲。況此歲云暮。朝發東郭門。征夫熟前路。巖萬松間。却立屢仰顧。亂石峭紛拏。牆壁隱丹素。不知何人居。下見檣帆度。海天自泱泱。雲物正廻互。潮頭接龍江。日色明虎渡。兵爭幾世年。壁壘猶如故。浩然愴民生。太平汝幸遇。

少爲同安吏。已知崇儒臣。蔡呂曷足道。蘇相實先民。卓哉祠堂記。至今煥城闐。我昨一瞻拜。迴眺滄海濱。萬峯若龍蟠。赴水舒其鱗。落日照蜃氣。樓閣皆金銀。山川鬱佳哉。偉人信有神。不聞李壯烈。百戰捐其身。吾少慕英

張亨甫全集

卷二十五

七

風。况茲防患辰。晚對不可歸。在武東五曲文公精舍之前所名也誓將清夷塵。

山平野多風。寒日出亂石。東南天不高。蕩蕩蓋海碧。空中若雲氣。不辨濤頭白。因悲此鄉人。揚帆遠爲客。斥鹵不足耕。豈甘淪異域。如何忍誅求。轉謂富珠璧。民困盜乃多。劫掠安可責。賢侯慕龔黃。謂泉州劉觀察漳州胡太守良吏有循績。謂龍溪曹明府南安王明府歲晏懷冰霜。生計念田宅。嗟哉情游子。歸來毋作賊。

浹旬往復還。重此沙溪宿。數家出粉垣。上蓋榕荔綠。仲冬扇蚊雷。始信炎方毒。噬膚不成夢。坐愁風撼屋。瀛壖

多驚颯。驅沙折林木。團團萬煙舍。貼地如俯伏。天低在
簷宇。墮露乃滅燭。咄哉乾坤樞。到此一轉軸。茲宵豈海
嘯。魚龍門平陸。波濤勢滿空。寒氣浩在目。因思昨來時。
行侶去已速。廿三日與客宿此次日同阻風今其人往粵東矣一瞬卽滄桑。千
緣愴幽獨。

坡坵盡犖确。鑿井謀深耕。列石敵華表。轉水如瀉瓶。種
瓜旣茂實。眾菓復敷榮。四時閒採摘。亦足養汝生。何爲
赴鋒刃。冒死尋鬥爭。或言此地氣。毋乃非人情。民惟直
可用。勇以敢乃成。收此十萬眾。足爲靖海兵。我無司牧
責。刑罪知誰輕。頗聞五百人。當時殉田橫。

張亨甫全集

卷二十五

五

重山何峨峨。絕海何蒼蒼。山風裂石大。海水流天長。浩
然雄闊勢。信矣偏霸鄉。偉人代相望。道德垂文章。自從
國初來。乃以材武強。一夫仗意氣。諸將皆侯王。桓桓五
等封。勳名照旂常。遂使李蔡後。淒涼晦前光。我茲一倚
劍。東西望重洋。巖城正落日。旌旆紛悠揚。下有樓櫓列。
上有烏鴉翔。誰歟慎節鉞。毋使行路傷。

泉州別繁露先生

意外尊前逢笑語。今年頻接舊游懽。今年於光澤見雨農舍人寅齋丈煥

奎太守於福州見志齋西堂梅友旬俗多盜賊同三輔。

卿於此間見先生皆念年故交也地似氐羗帶七盤。共惜艱虞當歲晚。要成箸述戀儒官。

輕裝去去吾何事。鄧尉烟波待釣竿。

○ 過武肅王墓下作

中原昔苦黃巢變。越嶠誰先保障功。已似尉佗收海上。
不慙孫策啓江東。十王劍履趨朝少。八姓衣冠辟地同。
愁絕泉山幽隧月。他年還照水晶宮。

惠安道中

積氣垂天外。斜陽倒海中。岡巒紛鬪石。草樹盡披風。鄴
野仍多盜。齊人或尙功。道旁年少子。佩劍意何雄。

○ 陳少香作宰惠安余至已昏黑不得入城以書索
酒陳并以食物來詩以報之

張亨甫全集

卷二十五

六

我行洛陽橋。但見雲濤翻。海天盪落日。丹砂氣可吞。騷
騷北風至。萬馬聲東奔。飄然駕長虹。墮此郭外村。野人
釀番蘗。鮭菜雜瓦盆。豈無醉飽客。飢渴難爲言。縣宰念
故交。夜火出盤飧。手開黃泥甕。痛飲傾千尊。仰視陰雨
來。蕭條濕牆根。中宵見大星。殘酒且再溫。吾生困行路。
老驥伏短轅。頗知治亂故。抑塞何敢論。三升管公明。一
飯韓王孫。未能向成都。狂著犢鼻褌。此鄉習俗傲。好鬪
訟且繁。豪強恣犯禁。愚懦深含冤。何況盜憎主。劫殺尋
朝昏。夷艘互出沒。毒物流中原。自非用重典。何以清禍
源。君師國僑訓。庶幾民安敦。堂堂歲月逝。歷歷關塞存。

舊游各飛騰。彈鋏依誰門。固應荷鋪隨。斗石譏齊髡。簷
端動微白。皓露迎朝暉。醒眼望閩越。疆吏亦已煩。

望瀑

西淙十丈瀑。悵望斷崖間。雪意懸炎海。風聲落碧山。浩
然逝不舍。清極出難還。那得師黃憲。聽泉此掩關。

莆田城下泛舟至埤尾作

野水邨嵐百態呈。亂雲斜日乍陰晴。空青山氣散爲雨。
寒碧海光飛到城。夾岸荔園車蓋大。際天漁市蜃樓明。
扁舟勝入吳江路。只少霜楓冷雁聲。

宿涵江大風

張亨甫全集

卷二十五

七

獵獵驅煙雨。風潮撼夕關。聲疑倒東海。勢欲捲千山。破
浪徒懷願。驚沙正慘顏。燈前看寶劍。虎氣自蕭閒。

過福清葉文忠墓下作

勝朝末葉誰賢輔。再出委蛇道豈窮。名冠黨碑文潞國。
心全宗社狄梁公。縣今高密聲稱古。冢異祁連詔賜同。
石馬莫號滄海月。碧雲朽骨暴風秋。
碧雲寺魏忠賢葬處 本朝某御史
奏毀之

初見紅葉

二句徑千四百里。仲冬氣候如殘春。天桃穠李開且落。
黃鸞翠鳥交喚人。正嫌夜熱聚蚊蝱。何有冷意隨征塵。

竭來頗喜見顏色。烏柏四五荒溪濱。娟娟陰霞欲無影。
黯黯斜照如有神。風光雨態炫朝暮。蠻烟瘴海生清新。
頗思江南楊柳岸。黃葉煮酒煨銀鱗。月斜夢覺天已遠。
陳迹似水無回淪。故園此日合歸去。山中凍早妻孥呻。
人生轉蓬何有極。勞苦慷慨懷天民。

○ 歸渡烏龍江

江流到海真千里。晚照驚心又一年。烏哺歲時空悵望。
龍潭風物自依然。龍潭在余家上流一里許悠悠帆楫清愁滿。歷歷
關河短夢懸。歸路清寒應莫恨。曾經冷眼辨桑田。

思舊詩

張亨甫全集

卷二十五

六

都轉風流世所稀。遺書滿屋蠹魚肥。寒燈一證同人集。
幾箇黃墟淚滿衣。鄭雲麓都轉

京華相對惜年光。失意歸來淚萬行。榕葉滿天吹不散。

海風蕭瑟讀書堂。何瑞五同年

一慟麻衣返故山。九原從此侍親顏。平生廣大寬平意。

只在蒼山碧海間。許萊山光祿

臨去千人泣送行。騰書京洛辨冤聲。堂堂藩伯今開府。

嗟汝將何答

聖明

龔春溪太史

阮蔡風流何處尋。泉山寒色夕陰陰。撫孤拜母平生願。

不抵陳郎一語深。石梅同年有母在薰土同年有子皆未一見因憶乙未於學使試院錄科
遇安溪陳春林同年追話二君相與愴然未幾春林亦卒矣

老學誰如孫濟侯。等身箸述足千秋。鄭公鄉在無人表。
斜日荒城見海流。孫濟侯明經

率意揮毫世共珍。偶然詩畫亦清新。京朝文采吾鄉少。
轉憶風流自喜人。郭蘭石廷尉

中外清勤四十年。白頭何事負歸田。易名太息人多少。
頤園礪堂陳望坡尚書尚書初尚書蔣節相無稱感後賢與二公皆無諡

為价巖題采蘭圖

誰知世外幽芳色。能作人間最古春。每為彈琴憶尼父。

張亨甫全集

卷二十五

九

不妨綉佩擬騷臣。新涼風露生空谷。殘照烟花逐斷塵。
相許平生竟何似。正須微笑悟前因。

晴溪三丈叔姪餞余口號書其姪時疇同年扇子

高樓今日覺清寒。千里鄉心滿碧湍。秋色并隨征雁逝。
夕陽應戀遠山看。籍咸每見情逾好。趙李經過別亦難。
留與他年數蹤跡。秋湘閣外繫歸鞍。

是日蕙卿并以太白像來此因口號一絕題閣上

木綿庵外歸來客。采石磯邊痛飲人。晝裏應知惆悵在。
匆匆歌舞送千春。

十一月十五去福州雨泊洪山橋

去家殘夏同茲日。歸路寒江帶暝船。海上雁從何處斷。
七月專使渡海問姚廉訪至今未回天涯月又幾回圓。交深別意傷存沒。
甲申乙酉庚寅甲午乙未親友多送至此地者今則不勝雲散風流之感矣。城郭空光合水煙。惆悵平生劉越石。
謂芑川西堂夜闌聽雨定悽然。

○次日舟中行口號

山氣林光碧欲煙。冬寒晴色奪春鮮。地從炎嶠無冰雪。身在江湖有歲年。

聖主久憂天下事。諸公共望古來賢。扁舟泛泛觀風物。村舍蕭條獨可憐。

○次日長至大葉泊舟作

張亨甫全集

卷二十五

二十

去年漢水今閩海。何處征帆不憶家。蒼莽江山天欲合。高寒風露日先斜。烟榕霧櫂迷巖桂。雲鶴霜鷗逐浦鴉。歲晚村荒生事賤。苦慙兒女話京華。
早間姬人言今冬至京都百官當朝賀矣不覺無然

水口

舟從大葉來。峽逼疑無天。如行富春江。兩山夾蒼煙。煙中裂絕壁。上有蕭蕭泉。百蟲下淒淒。幽樹旁連蜷。古人既盡逝。吾意知孰賢。嗟此嶄峭區。因樹巢居懸。荒寒樵牧跡。妄論世與年。朝出負落葉。暮歸聊醉眠。栖皇波上客。愧汝常晏然。停橈倚山市。蜂房蔽崖巔。紛紛牙儂子。

晝夜營腥羶。萬事豈復顧。生死視一錢。借問茲何勞。不
如歌扣舷。茫茫去來今。物變誰爲緣。苦樂不自覺。身世
隨推遷。我非申屠蟠。備保冀苟全。久悲困道路。况懷塵
事牽。流觀一太息。理感難爲詮。

鉞勾灘

水縱石何橫。盤旋故作勢。舟穿亂石中。石外失天地。曲
行如蟻緣。倒退忽鳥墜。百丈寄性命。萬怪惑心志。是時
赤日仄。颯沓悲風至。蒼山鳥鵲叫。老葉響叢翠。默然視
去波。三折未敢逝。崩騰激飛雪。魚龍驟出戲。前篙鬪稍
提。後舵喊相繼。上流脫危險。下望益驚喟。轉思十八灘。
張亨甫全集

卷二十五

三

習坎昔旣濟。未知沂瞿塘。駭絕誰尤異。人間行路難。浩
歌傷意氣。不見康衢安。飛馳有折轡。君子履道貞。小人
無遠慮。哀哉一壑間。俯仰見千世。

尤溪口

夜中臥怨月。曉起江茫茫。蒼然雲霧氣。迴合蒸初陽。天
高勢忽低。其下出微光。碧綠盍山壑。紫翠凝煙霜。脩脩
楓柏深。啼鳥間笙簧。古時征人跡。落葉隨風揚。豈無超
世士。巖棲鬱相望。吾行不遑息。但見萬石蒼。石老旣無
根。水流亦無方。可憐尤溪波。東注閩海長。

舟近亂石來。石氣亘千里。砥礪蔽上流。悵望不見水。入
灘更駭絕。壁立列營壘。陳圖佈長蛇。昂首掉其尾。浪頭
日激激。骨出若蛻委。不知媯皇年。補天曷棄此。倔強隘
大地。磊落壯南紀。縱橫五色文。變化萬象理。蒼然去雕
鑿。過客誰省視。想見山澤間。萬物完太始。我茲屢行邁。
對爾輒狂喜。安得叱成龍。乘雲向滄海。

延平

房師張漁邨先生去
年卒於南平署任

陳氏元孤臣。堅城抗明祖。何人表遺忠。乃與珍諒伍。從
來烈士意。成敗安足數。荒江日夜流。閱世浩終古。竊悲
蜀客魂。不歸奈何許。幸逢太平日。寂寞殉簪組。當時急
張亨甫全集 卷二十五 三

一見。豈謂絕再覩。自慚遇合艱。慟哭傷肺腑。國家惜
人才。我生獨塵土。報稱廢私恩。公義亦何補。堂堂歲月
心。悠悠風雲侶。扁舟更淹泊。難起鬼雄語。頽陽照草木。
千峯颯微雨。烏鴉噪斷堞。中有戰血苦。男兒旣失路。是
處皆死所。洒涕望滄波。冰霜送征虜。

城門瀧

蕭蕭落木聲。窈窕無人迹。潺潺聽流泉。磊磊見危石。山
高氣何寒。霧露黯如積。煙崖似古舍。樵徑隱天碧。淵停
百丈潭。迴光蕩虛壁。浪濤激滌多。凹窪儼刻畫。嵯峨相
蔽覆。依倚互欹側。浩然羣小樹。黨傾家國。從來天下

土出處皆正色。孤峯卓雲表。曉日照丹赤。蒼藤蔓陰翳。翠條滿空隙。谷蘭摧淒風。歲晚坐嘆息。鴻鵠仰天飛。人生亦何極。渺渺入瀧舟。悠悠未歸客。

燕子巖

下流石如鼉。一一昂其首。上流石如燕。紛紛啄其口。鼉螭伏穹窿。鼉鱷出怪醜。蛟龍骨倒臥。蝮蛇陣旁走。屹爲巨鼉戴。呀若長鯨吼。磨牙而伺人。百夫進以手。攀崖猿掛藤。曳纜魚貫柳。橫行鱗爬沙。直觸蜂撲牖。孤舟簸浪中。屢進退石後。仰視勢反壓。側擁臂交負。篙頭聲相摩。腹背敵先受。北風蕭騷至。水花吹到肘。舵師噤無色。控張亨甫全集

卷二十五

三

折視左右常恐一失措。死者十八九。是知函矢心。業術若固有。我久厭倦游。何似騎驢叟。亡羊歧莫追。待免株且守。鴻鵠燕鵲笑。騏驥駑駘偶。欲從踏躡客。試訪驂鸞友。江灘自古今。勸汝一杯酒。

順昌

我來方季夏。及茲已仲冬。飄蕭集雨霰。卷地鳴長風。草木亦已衰。況感愁病容。扁舟循短髮。悵望江海空。西北羣雁飛。東南餘孤鴻。徘徊念儔匹。借問誰雌雄。杳杳桂樹枝。山河無人踪。歲晚百蟲蟄。安知蛇與龍。

荒城晚多煙。下帶雙溪長。一昨載我去。一來自故鄉。却

循故鄉流。環眺雲山蒼。終年別親舍。日歸何所將。浩浩天何高。白日照嚴霜。雖有苦寒淚。不到慈母旁。人生一失意。萬事心暗傷。逝水無回波。悲風送瀛滄。

沙瀨泊輕舟。水氣搖孤燭。六年茲再行。鴛鴦必雙宿。豈驚眾鳥噪。欲集無安木。可憐丹山阿。別有鳳凰族。臯廡感梁鴻。吳市憶梅福。栖栖浮家意。垂釣亦難卜。寒城聞曙雞。霜露滿谿谷。萬家一夢深。不寐傷羈獨。

將樂

海鶴飛何勞。勞勞向西北。徘徊反東顧。鍛羽不得食。我行將樂縣。金盡拙辭色。菜把官不供。束脩告無力。譬如

張亨甫全集

卷二十五

二五

農望歲。九秋壞稼穡。全家正啼飢。早潦豈吾恤。古來生事難。四海多匱乏。慷慨風塵間。窮士何有極。逶遲近鄉井。惆悵遠京國。珠樹翠鳥巢。暝城瘴雲黑。

溪迴山益深。百轉猶未已。灘多不知名。但覺石怪詭。連峯合寒翠。曖曖墮流水。水色如新安。碧綠淨見底。霜螿扶蓼白。風鱗戲苔紫。青天倒下映。宛轉空光裏。悠然何處風。鳥聲清滿耳。谷口樹蒼森。葉落炊煙起。

自我放輕舸。及茲十七年。可憐山居子。陵谷知幾遷。古樹摧爲薪。霜楓醉便娟。正如老成盡。俗薄矜少年。松柏何鬱鬱。蒼崖翳寒煙。自非庇塚冢。亦豈長生全。民窮地

利盡浩歌悲向天。我欲誓墓歸。嗟哉仍無田。

無米甕

我從順昌來。四日見亂石。石多磊落意。心戀此灘側。思窮難爲名。但視去波碧。正如遇良友。相對不妨默。人間最佳處。往往無游客。史遷足未經。況論神禹跡。孤舟望四海。浩浩浮雲色。萬代一飄風。修齡誰滿百。山川鬱靈秀。宛待幽貞宅。風塵吾不歸。倚棹終何適。

常口

昔游證果寺。春事廿年過。老樹餘衰葉。荒江又去波。靜中寒色古。空際夜光多。悵望人煙外。疏鐘自薜蘿。

張亨甫全集

卷二十五

三五

良淺

山木蒼蒼合。人煙藹藹深。孤雲寒有色。眾水靜成音。市散聞村犬。舟移見渚禽。開尊多故舊。三宿且招尋。

源裏潭

己亥冬十二月初二夜宿泰寧弋口。次早歷朱家坳。始入邑界。嶺澗峻阻迴複。况時苦寒。渺默增感。將至大源孔數里。道旁有板橋跨石潭。疑其有異。舍輿趨眺。悵望夙心。雖樓賢之玉淵。無此幽勝。自余倦游。數懷行邁。邁茲絕境。乃在故鄉。適有昨同宿邑子。睨而去之。曰是名源裏潭。

也。何留憩焉。噫。余滋不能默焉爾。
山迴澗壑。滙樵路。通飛梁。寒潭石映。巖邈然。見洪荒。白
雲來。亭亭。幽鳥鳴。且翔。俯視澄碧中。峯影一何蒼。前游
緬誰會。後至永相望。負此百年心。徒御紛在旁。巢由豈
買山。鴻光乃去鄉。人事未有定。天命多慨慷。

張亨甫全集

卷二十五

張亨甫全集卷三六

建甯張際亮亨甫著

孔慶衢寄吾校刊

元日

庚子歲元日。吾舟維建昌。江山迴積雪。天地入寒光。白髮柴門裏。青雲玉座旁。春城獨瞻眺。去住總難忘。

許灣曉發

是日初三立春也

山市仍寒雨。煙帆足曉風。春歸江海上。人老歲時中。水靜流禽漫。花疏著霧空。破愁宜放眼。前後送諸窮。

野泊

林火數星分。風疏遠吠聞。暮天青蓋地。積水白成雲。人張亨甫全集

卷二十六

一

語新春樂。鄉心薄暝紛。十年江海夢。誰與惜辛勤。

三江口

三江何處是。眾水抱堤流。山色南昌郭。春風幾度舟。村童追野鳥。浣女望沙鷗。一憶吳淞路。飛花滿浪頭。

別鑒泉明府十二年矣。今正月七日遇於南昌。以

白金二兩食物四色見贈。辭之不得。念其老病。罷官行歸湖湘。再見未知何日。故以詩別之。

富貴豈不懷。人生固有已。悠悠嘆衰老。少壯亦奚恃。嗟

翁今七十。罷官不爲恥。世無黃次公。龔丞復誰喜。且耕

瀟湘源。抱經娛暮齒。翁有抱經草堂圖雛孫顧我笑。童孫揖我

踞大兒携長男。夜送出城市。陳辭意可恭。留酌杯與洗。
似悲再見難。骨肉使相親。吾豈荒亭鶴。天際適來止。翁
瀟溪重建來鶴亭。落成日有鶴飛至。太息蕭寺懽。十年一夢耳。嘗同翁父子居京師
蓮花。倦鳥辭長林。浮雲逐流水。萬族昧進退。安知齊生
死。行矣各扁舟。毋忘寄雙鯉。

南昌渡章江

此地嗟何意。年年載我行。江雲低曉日。寒色滿春城。地
久悲荒涼。人仍愴死生。去年春正月九日抵南昌哭徐廉翁之喪今初六日在廉翁家
聞四農兄之訃西山青不改。長似慰孤征。

建昌

張亨甫全集

卷二十六

二

城外春流縹晚寒。匡廬天遠碧雲端。不知何許藏書好。
一片斜陽飲馬看。建昌李公擇有白石庵在廬山爲其藏書處也

德安道上望廬山

玉龍戲雲海。風雨下青天。一覺棲賢夢。千巖月挂泉。荒
城對朝嶺。終古浩蒼煙。三峽飛騰疾。安知五老年。

至九江偶述

三年重望匡廬色。雲水荒荒不見山。賢守尙能憐客倦。
謂鄭仁圖太守書生空與惜時艱。江湖蕩地哀鴻滿。風雨連天
病馬還。惆悵琵琶亭子盡。斷堤衰柳濕煙間。

阻雪孔隴三日是日十五矣慨然口號

過江四十里。飛雪萬千山。此日逢元夕。何方駐病顏。是日
姬人病。頗劇。孤清浮水隱。虛白照天間。積潦蒼生困。無燈各
閉關。

十七日阻雪廣濟雙城驛遂游黃梅四祖山

楚雪積日夜。浮雲非故山。如何碧流水。長自翠微間。松
色照僧定。梅花迎客閒。東西皓相向。僧以此爲西山。嶺

外悵空還。

昔過韶州離曹溪
六十里竟未游

巴河望江

巫峽西來下武昌。楚天東盡白雲長。飛雅欲沒飛帆遠。
一片空光澹夕陽。

張亨甫全集

卷二十六

三

●黃州

三年重走黃州雪。難訪髯翁舊草堂。東去大江流日夜。
南飛仙鶴見滄桑。英雄事往空遺壘。詞賦名高付舉觴。
聞道寒溪尤勝絕。共誰呼酒滄山光。

●去歲在閩中甚望子壽領湖北解首既至漢上乃
知仍失意也口號卻寄

王郎一代論詩傑。省解今聞又罷歸。再見幾時如昨日。
別來兩度換春衣。病中歲月花空好。漲後田園燕不飛。
同是愛談天下事。風塵偃蹇意多違。

●將自漢口登車北行口號述感

西北浮雲指是梁。楚城落日意茫茫。是何疎外家山杳。
恨此關邊驛路長。天遠憶人蘇酒夢。春寒作雨滯花光。
荆吳燕粵誰多怨。時少穆翁在廣東子壽在荊州春木在婁縣劉君坦衢在保定獨去
征車黯自傷。

孝感羅山道中口號

三里城連九里關。眼前疊疊是青山。溪流轉處人煙冷。
水竹沙禽盡日間。

二月初六夜信陽道中見月作

去家踰月淚辰久。望闕頻年幾度來。長路茫茫如入夜。
故人落落獨銜杯。風沙飛動英雄氣。江海浮沈歲月哀。
張亨甫全集 卷二十六 四
醉倚嫦娥搔短髮。可能相映住蓬萊。

過汝甯

長堤垂柳又穆穆。七載重勞此駐驂。快馬乍騰平野勢。
斷鴉仍沒遠天嵐。故人花信悲泉下。癸巳夏於此間學使院得徐廉峯太史手書并杏花詩
名士風懷到汝南。郭泰不來黃憲逝。飄零塵土我何堪。

十一日周家口對雪

二月春已半。故園花亂飛。那堪行路雪。猶點去鄉衣。遠
夢青山在。高堂白髮稀。思親兼望闕。清淚對霏微。

發開封口號

黃沙白草極天浮。颯颯驚風卷馬頭。千古戰爭餘王氣。
八方控馭亦雄州。河聲東下長淮曉。關色西來太華秋。
往日兔園賓客盡。茂陵多病合歸休。

大風竟日至朝城途宿

萬馬忽悲鳴。風沙浩有聲。蒼蒼天蓋野。黯黯日沈城。古
戍昏東郡。春游隔上京。飄蕭塵髻色。愁向夜燈明。

過荏平是前年與四農兄別處

豈意長亭痛飲時。更無爛醉和歌期。難將委化齊生死。
但悵相逢屢別離。王李才名誰貴壽。孟韓風義匪文辭。
征驂酒盡臨歧淚。曉日重來獨去遲。

張亨甫全集

卷二十六

五

二月晦日河間道上口號

匹馬南來逐塞鴻。帝城北望五雲中。遠林缺處天如水。
殘照低時地有風。歲月何心消道路。山河滿目送英雄。
三分春色明朝是。誰看花飛故里紅。

夜過趙北口

曉發瀛州望薊門。公孫城外日先昏。菰蘆水暗魚猶淺。
楊柳風多雁自喧。春晚江南頻入夢。夜涼天際欲銷魂。
分明便似秋湘閣。不見銀燈照酒痕。

上巳日固安渡河

如此風光祓禊天。征塵未浣更呼船。山陰散盡流觴侶。

獨向人間閱逝川

第二場號舍次韻和孔繡山枉贈

病偈原游倦。封侯等數奇。誰憐人老大。自笑此逶遲。歲
月亡羊悔。風塵病馬支。驂騑應得路。莫忘並羈時。

十五夜號舍對月口號

一磚隆慶三年字。兩度春明下第人。河上風沙江上雪。
可憐又見月輪新。正月十五阻雪九江之孔壠二
月十五大風舟行西華道中

衍聖孔恭愨公畫蘭竹題後公年十一入
九再入 覲加太子

年少 膺殊錫師少

張亨甫全集

卷二十六

六

先皇寵上公。禮徵開國意。學見克家風。直節高朝

右。清芬滿岱東。庭堦多玉樹。誰補畫圖工。

○小蓮花室學隸圖為繡山孝廉配
朱葆瑛女士題

神仙眷屬無多侶。文字因緣總有情。蝌斗遺書搜孔壁。

鴛湖新唱徧齊城。嘗以八分書竹
垞鴛鴦湖棹歌已看得媚勝班妹。共

說傳經本伏生。座師虹舫閣
學之女也老我興闌桃葉病。披圖眼

為藕華明。

○二十九日秦澹如孔繡山招同人集尺五莊漫作

衰病經年畏看花。送春愁劇泥流霞。煙蕪綠徧誰盤馬。

風柳青初已見鴉。四海自多天下土。一尊獨抱古來嗟。

陂塘便抵滄桑感。戊戌四月廿三日海翁招飲於此留題壁間今爲主人污去其時後二日同四農兄宥函蘭岑稼軒飲於此今四農沒矣短髻何須怨日斜。

三十日斌子靈子文子蓮兄弟招同王棐友秋士
同飲小有餘芳率題壁間

十五年河朔。三千杯酒狂。春郊仍試馬。歧路悔亡羊。南海籌邊亟。東方索米忙。塵埃有王濬。閒與話龍驤。

楊柳十圍大。吾生非少年。故交餘幾輩。野水蕩飛綿。衰疾應誰念。芳華各自妍。莫教送風雨。留伴濁醪前。

● 繡山屬題河聲嶽色圖 卽送之歸曲阜

岱宗東出凌滄海。河勢西來落碧天。悵望地吞星宿氣。

張亨甫全集 卷二十六

夢游雲散漢唐年。已聞策馬真觀日。便合騎龍徑棄船。

君有青天騎白龍圖卷 誰使風塵仍歲月。漫從齊魯話幽燕。

● 四月十日偕友人觀牡丹於崇效寺花方盛開後
數日携姬人往觀則花半謝矣遂同至陶然亭

登眺取醉漫題

落第人看富貴花。初十揭曉誰知過眼似飛霞。病憐國色朝

同瘁。愁憶春風影共斜。望眼百年空日暮。故交幾輩尙

天涯。戊子春雪椒方伯招同許萊山光祿吳蘭雪刺只史花時來游許吳今下世楊則方官山左也

應夢幻齊諸相。客裏林亭處處家。

漫書友人扇子

久賤交游散，多愁疾病侵。酒邊窮旅眼，塵外古人心。落日紛斜燕，閒雲半遠岑。天涯信舒卷，不必取爲霖。

開元論進士，李杜竟無名。一代文章在，三公福命爭。詩酬高刺史，骨傍謝宣城。何足傷飄泊，高力楊國塚已平。

○ 午日再書扇子

去日堂堂過早夏，羈心忽忽負慈親。登高但見河山遠，

感舊難承雨露新。余以嘉慶甲戌籍學是年端午始客邵武紅惜石榴依北

闕，青憐艾葉徧東鄰。蒲觴滿泛誰相問，一憶天南坐嘯

人。謂芑川孝廉

又戲題絕句一首

張亨甫全集

卷二十六

八

好客陳遵憐我瘦。是日弼夫兄來招飲訝余病何瘦也苦吟姚合待渠來。

是日梅伯約來竟不至十年見慣京華事，只似東風馬尾灰。

送潤臣之雁門兼寄其兄崑臣觀察

旅食長安久，心知近日稀。看君先我去，臥病更誰依。隘

道關山繞，驚沙日夜飛。定哀征戰迹，還望 帝王畿。

四海今無外，三關舊宿兵。雁聲迴絕塞，馬色動長城。番

部皆通市，儒生罷請纓。道旁逢父老，好勸及時耕。

汝兄方少壯，吾眼識英豪。報國 天恩重，行邊古戍高。

儲胥雲朔偪，控馭漢唐勞。相見論兵暇，應憐困二毛。

○ 艾至堂進士北度雁關圖

居庸北控營州遠。函谷西通太華高。關塞獨逾三晋阻。
英雄誰甲九邊豪。雲中白雁驚霜角。山後黃沙卷佩刀。
寂寞武靈遺事盡。憐君驅馬日蕭騷。

王範九同年洞庭駭浪圖

湖水浩無極。君山慘不高。孤舟仗忠信。九死出波濤。行
路古多感。傳經親最勞。王云舟破時行李俱沒。惟先人手澤抱持。獲存臨淵。應
莫忘身世幾滔滔。

為朱濂浦琦太史閱詩題其後

當代誰高詠。桐城惜抱先生繼阮亭。愚山餘古調。宣城施學士閩章

文字已晨星。蒙古夢高密單明宋仁利宋學悲頭白。

張亨甫全集

卷二十六

九

黎順德黎張長沙張大豁眼青兩翁時慷慨。桐城劉學

大令有城。五字幾飄零。武威張太守五言律最佳江都乍

可迴狂瀾。何須在御屏。眾流趨未派。後起失前型。邇日

論朋舊。高才辨渭涇。清淮人共逝。山陽潘四農黃海氣

猶靈。欽徐廉峯太史寶善卓絕吾宗彥。先登作者庭。族兄怡亭老

成今李同邑李古山嘉應宋芷懷抱古芳馨。傲帚金

堪享。光澤何秀才長詔荒池墨又淳。吳下朱西生孝

為嘆逝賦。永憶草元亭。名大人爭敵。塗長我未經。海槎

星際望。天樂夢中聽。巨手開西粵。洪波漲北溟。力雄出

激宕。思遠入沈冥。孰訝方燕許。真如泣尹邢。敢當諸葛

拜余少識尊甫於京師故君於余執禮甚恭難比屈原醒遺逸風應采堂皇
戶肯屑月明湘瑟動雲水韻泠泠

古海初水部竹窗夜話圖君與馬平願君諱庭昔同官水部王長

羊城因作此圖時君從連州兵間來也

幾年鳳闕宵聯騎一夕羊城雨洗兵欲倚扶桑觀日色

轉憐藜竹送秋聲回槎瘴海嗟何事剪燭巴山共此情

賢守卽今方臥治諱庭今守施南故人懷舊想珂鳴

萬柳堂游矚偶賦

廉公昔游處今見老僧孤風日非元代河山感益都寺

門散楊柳陂水澹菰蘆頭白儀真相空勞話酒徒阮芸臺先

張亨甫全集卷二十六

生前後屢來此有詩

孫琴西梅花詘思圖

一片長安雪誰知夢暗香花仍孤嶼晚月自朔方涼山

水宜文字風塵悔老狂披圖動歸思天外鶴聲長

題至堂詩稿後時新得第以縣令歸部候銓將就教授還江西

眾水趨東海誰知濁浪狂注家紛五百杜骨異尋常夫

子遵遺躅平生足熱腸悲歌向燕代綺語失齊梁隱市

容顛頽論兵氣激昂高談王霸雜回首歲時長知己依

都憲謂季芝齡先生清名數侍郎謂樹齋少冠李收余芝衫如昨夢江

龍趙直夫許同行一第空遲暮千言久慨慷眼青誰薦士

頭白自歸鄉。江勢通彭蠡。詩心擬草堂。誰譏鄭少谷。永憶蜀西瀼。落落羈櫚侶。滔滔俠少場。看君猶失志。嗟我敢和光。寫韻樓何在。投書渚未荒。扁舟懷甫也。宗派薄陳黃。

孫願谷先生深柳勘書圖

先生名志祖杭州人乾隆間進士歷官江南道

監察御史著家語疏證六卷文選考異四卷文選李註補正四卷讀書陞錄七卷及續編四卷輔風俗通佚文一卷謝承後漢書補遺五卷其未成未刻者孔叢子疏證及各經札記子同元孫世學皆舉人

柳花一片隨風起。富貴紛紛亦如此。流鶯百轉送春歸。

先生著書頭白矣。周衰文傲秦火烈。漢後儒生抱故紙。

張亨甫全集

卷二十六

七

世無孔子誰述作。何限僞經兼穢史。先生勘譌復訂謬。申鄭抑王寄微旨。咳蘭可采湖可漁。老愛西泠謝索米。諫草因逢

聖主焚。元亨留與兒孫理。嗟余觸藩難進退。七度六橋

棹孤艤。空思因樹結茅亭。但恨垂楊拂流水。先生豈慕

劉江東

閭門向山路。深柳讀書堂。劉脊虛句也。劉著述甚富。今惟傳其詩。

百卷遺編蠹

塵委。披圖慷慨發長喙。嬾漫稽康鍛且已。飄萍落絮笑

何因種菜英雄睡。睡方美。

閱秦澹如詩稿走筆題卷端

勝氣豪情世所知。謂尊甫小暮年天與此佳兒。傳家何

修文章盛。憐古應懷。歲月馳。薊北千門殘照裏。江南幾度落花時。登高望遠。稀耆舊。青眼哀歌爲汝期。

子瑩招同飲十刹海酒樓觀荷花

登高樓。飲醇酒。人生誰能如汝壽。十年故舊散如雲。生死升沈黯回首。戊子六月廿四日樹齋侍郎招同人集峯太史招飲集此辛卯同顧南雅先生話此試從塵外數西山。深谷高崖亦

自閒一帶

御溝無恙水。落花流不到人間。可以痛醉開心顏。

送杰夫同年典試浙江

恭逢

張亨甫全集

卷二十六

七

壽考日載詠

作人詩。百越鄉園接。三吳水驛馳。湖涼秋霽早。潮滿月來遲。夜望文昌色。遙應慰我思。

讀漢宣帝紀

綜核何曾怠。萬幾少年注。吏幾驂駢。可憐看到元成日。文景君臣未盡非。

塵尾

舉手西來意。清談兩晉憂。誰能揮羽扇。喚渡秣陵秋。

絕海

絕海纔揚十道帆。神州百縣戒初嚴。徒聞靈島成蛟窟。

重報邊塵動馬銜。削國翻思殺鼯錯。父家未許誦巫咸。
孤臣白髮炎荒遠。從古青蠅枉刺讒。

滔滔河水

滔滔河水兮我心憂傷。人誰無母兮我獨四方。

滔滔河水兮我心傷悲。子出母望兮母死子歸。

滔滔河水兮實傷我懷。我行道阻兮載江載淮。河伯孔
神兮莫知我哀。

登竹林寺後山遂至鶴林寺

言從夾山寺。迴眺曲阿湖。下見八公洞。蕭條煙靄孤。陰
霞照寒水。夕鳥沒平蕪。更話彈琴石。風流誰與俱。

張亨甫全集

卷二十六

三

張亨甫全集卷二十七 辛丑六月前作

建甯張際亮亨甫著

全邑孔寄吾刊

江肅軒黃山 行侃 招回家素先遊西巖留宿三日

爲賦四首

名園依翠嶂。曠望渺丹邱。山色古今靜。泉聲日夜秋。坐兼微雨久。興與白雲留。一夕同高論。風塵悔倦游。羣季聞才俊。吾宗見老成。夢中猶作客。海上未休兵。倚石飛星動。移燈宿鳥驚。莫論身世事。閒與憶幽貞。清旦高臺望。村光曉靄分。菜花黃過屋。松氣白成雲。歲月懷疎迹。川源見大文。溪鷗亦無競。來去自爲羣。

張亨甫全集

卷二十七

曲折緣雲磴。樓臺盡俯看。幽巖分峽隱。細瀑挂崖寒。境悟隨山轉。才知冠古難。會須圖雅集。信宿且盤桓。

詩話樓同辛夫受紹

詩墜三唐後。風開七子先。論高緣救弊。樓曠與懷賢。兵火曾寒食。春流又遠天。斷溪淪故宅。吟望悵荒烟。

龍湖謁龜山先生祠

在歸化縣學宮右側

絕學承伊水。眞傳導紫陽。道南天啓運。星穴地鍾祥。經術精何鄭。儒宗邁董揚。心惟憂統緒。志早薄軒裳。百里羈騏驎。千尋颺鳳凰。惠聲孚兩浙。遺愛在三湘。薦牘登循績。清班接省郎。未聞相甘傅。虛喜召龔黃。納牖辭諱

柳排闥意慨慷。纏綿唐陸贄。激切漢王章。新義尊安石。
餘殃到靖康。人心迷燕蝠。邪說亂蜩螗。配食名誠叅。王
封分豈當。風霆飛白簡。天日豁青霜。大將庸童貫。諸生
訟李綱。朝端輕柱石。闔外寄貂璫。時事關懷獨。安危畫
策長。禮雖優汲黯。意已失申詳。麇謗非無口。鴻冥自有
鄉。經綸施未竟。雲壑道彌光。龜阜專祠古。龍湖舊宅荒。
粉榆比鄒魯。蘋藻傍宮墻。落日停行李。遺風炷瓣香。無
緣容立雪。翹首讀書堂。舍雲山有先生書室

題葉卓人踞石抱膝圖

匹馬曾從襄漢遊。鹿門山對草堂秋。誰憐絕海橫戈日。

張亨甫全集

卷二十七

二

抱膝相看話武侯。

身外真看萬事輕。不須介石卜幽貞。春城三月花如雨。
拋却銀箏聽曉鶯。

○至廈門瘦雲招同白鹿洞觀海遂留飲感賦

一氣遙連四大州。誰橫鐵索截中流。只如唐宋愁戎馬。

前代邊患多在西北至明中葉東南夷患始烈亦天地自然氣數也不數燕齊鬪火牛。逆夷
火器最利勇憶乘桴難泛宅。醉思請劍尙登樓。天風海日蒼

茫裏。試問扶桑幾度秋。

兩島能支半壁天。草雞長耳憶當年。伍胥漲汐仍終古。

楊僕樓船自黯然。雲出鯤身橫鳥外。水浮鼉極動尊前。

登臨足有興亡感。鯨飲須同吸百川。

瘦雲偕。姪人蟾仙遊白鹿洞。繪圖屬題。時君奉當

兵於此

江海論兵日英雄。失路悲曾同謝太傅。漫擬傳修期。吾子貧懷策。羣君幸見知。清笳吹洞裂。駿馬踏春嘶。暫佐籌邊幕。應舉下瀨旗。風潮通一笑。山色在雙眉。劍氣橫釵影。花光照玉姿。水天無盡處。人月共圓時。時三月姦落有豪士。哀慵羨導師。三年南北路。回首獨嗟咨。

葉霽亭明經新構園亭招飲索詩為賦三首

張亨甫全集 卷二十七

二

別來塵海逐浮漚。小住依然不繫舟。五嶺懸軍猶坐甲。

三山為客且登樓。鶯花佳日憐餘景。時閏三月廿八矣燕寢清

香話從遊。時霽亭尊甫小庚先生方守河南分取嵩高雲物態。故應幽

事滿林邱。

江左清華數謝王。恰宜別墅對東牀。時霽亭之婿在座余友陳達夫駕部

之子。風前洞壑虛涵水。天際雲山遠過牆。漫訊榮枯松

自老。園有大松百十年。物也雖枯而不偃。不如高下石相忘。烽烟未靖俱

貧賤。謂梅友與余身世茫茫欲廢觴。

兩客衰頽視鬢顏。黃壚重過感河山。前年旬鄉卒今中年春西堂又卒

年絲竹誰陶寫。一第風塵幾往還。是日聞新進士報第感懷諸朋友之落第

者轉惜詩狂捐酒價齊亭欲爲須招月影欵花關習池
留取山公伴萬事何如半醉閒余鑑詩稿

○ 爲梅友題扇

中年相對髮蕭蕭友似秋林日漸凋海內風塵期衛霍
釣徒煙水夢漁樵難將舊俗詒黎獻頰愧微生負
聖朝須與兒孫躬荷鍤縱多來日且逍遙

○ 蕙卿出示詩草兼屢有懷憶投贈之作賦此奉酬

卽以錄別

近別忽三年新詩積千首世無李太白高才竟誰偶我

慚賀四明解佩勸杯酒浩歌見甫參竝轡驅文藪謂世川香

張京甫全集

卷二十七

四

溪樓雲硯南汝南霸王資英雄磨滅久江風送海月奇

星村諸君氣落君子怒潮出紙背蛟龍互蟠紐登臺弔無諸富貴

復何有時來豎子奮年往佳人醜老大困塵埃中夜望

南斗腰懸白虹劍檣槍黯可取嗟哉二禺頑難負海山

走蓬萊左股殊巨靈削其拇樵夫爛柯笑對客惟指口

讀君送別詞攀條涕沾柳往者師門知謂恭甫師鄭重期不

朽同時高雨李蘭卿葦夜臺自前後黃墟感山公宣城剩

紀叟非君磊落懷吾衰敢求友人間萬態卑嵩華遜暗

嘯豈暇計濯纓力挽河曲九區區文字好亦如金享帚

會偕武夷君醉捉曾孫肘一聞可哀曲莫問何雞狗

題梅妃圖爲余生北溪

霖鈴閣道意淒然，不及樓東一賦傳。何必興衰關色戒，古來忘戰太平年。

世有眞卿縱未知，終看李郭共驅馳。梨魂梅影千何事，大樹彫零又一時。

春風留取貌如花，前度荒村怨日斜。余嘗再過妃故里待說曲

江先識在，可憐唐室有悲笳。

書翁童子扇蕙卿姪

一門作達聞咸籍，兩世論交見紀羣。老馬自憐疲道路，神駒應許躡風雲。出頭汝合傾先輩，倒屣吾當爲此君。

張亨甫全集

卷十七

五

可有高軒傳好句，不無衰鬢感斯文。

書蕙卿扇

近來海內爲長句，蕙卿欲軼高青邱。當其落筆有神助，宛見嘯傲凌滄洲。我年四十鬢欲禿，對汝往往銷百憂。明朝挂席向吳越，相思惟見長江流。

走筆題浣紗圖

若耶溪碧苧蘿青，湖上鷗夷去不停。猶有落花與啼鳥，春風長是怨娉婷。

照影何須更捧心，五千甲楯亦銷沈。夜來響屐廊前月，不見濤頭白馬臨。

